

四庫全書

史部

欽定四庫全書

欽定日下舊聞考卷一百三十五

京畿

昌平州二

原白浮泉水在昌平縣界西折而南經甕山泊自西水

門入都城焉

元史河渠志

原白浮龍潭水流經白浮村元郭守敬築堰引水使西會馬眼等諸泉折而南流入於潞河以便漕運堰即以

白浮名

長安客話

原郭守敬奉詔興水利上自昌平縣白浮村引神山泉  
西折而南過雙塔榆河一畝玉泉諸水經甕山洎至西  
水門入都城按神山白浮皆在州之東南地勢西高東  
下守敬乃能引之而西是不可曉

昌平山  
水記

原大德十一年三月都水監言白浮甕山河隄圯三十  
餘里宜編荆笆為水口以泄水勢計修笆口十一處四

月興工十月畢

元史河  
渠志

原皇慶元年正月都水監言白浮甕山隄多低薄傾陷

宜修治來春二月入役八月修完長三十七里二百一

十五步

同上

原延祐元年四月都水監言自白浮壅山下至廣源牖隄堰多淤澱淺塞源泉微細不能通流由是會計工程

差軍千人疏治

同上

原泰定四年八月發衛軍八千修白浮壅山河隄

元史泰定

帝紀

原雅克特穆爾退師於白浮南敵軍復合鏖戰於白浮

之野

元史本傳

原至正十四年四月命各衛軍人修白浮甕山等處隄

堰

元史河渠志

原清夷水西逕沮陽縣故城北秦始皇上谷郡治此王

莽改郡曰朔調縣曰沮陰

水經注

原聖湯一在昌平北二十五里一在昌平南三十五里

湯山有寺

元混一方輿勝覽

臣等謹按湯山泉康熙五年始加疏引甃池二並

恭建

行宮詳見前湯山條內

補湯泉知名者七匡廬汝水尉氏驪山鳳翔之駱谷和  
州之惠濟渝州之陳氏山居也燕之昌平李陵臺亦有

溫泉

研北  
雜志

增百泉在州西南四里許平地湧出不可勝數大者有  
三一曰原泉清深澈底一曰黃泉流沙渾漫一曰響泉  
其聲似聞然寬俱不過丈許

大清  
一統志

原九龍池方廣十丈重垣護之覆以黃甍石琢九龍張  
領歛沫入池冷然有聲夾池植桃柳稍東為月關洩水  
水流出關為小渠過石梁入山下田

篁墩集

原九龍池在紅門西翠屏山下逼近昭陵泉出九穴穴

鑿石為龍吻瀦水為池

燕都游覽志

原九龍池在昭陵西南於山崖下鑿石為龍頭泉出其  
吻瀦而為池上有粹澤亭中間旁各三間門三道東  
向鯨以周垣為車駕謁陵事畢臨幸之所嘉靖十五年

世宗勅建也

昌平山水記

增九龍池在昌平翠屏山下凡九穴鑿石為龍大清一統志

原趙欽游九龍池詩 乘春趨帝寢轉壑向龍池塢曲

鶯啼暖松深馬度遲紅泉流玉液丹砌擁金枝日暮煙

雲合嵐光逐望移 無聞堂稿

原王廷幹九龍池詩 龍門開碧苑池色映丹邱芳樹

緣堦轉清泉入戶流園平花氣合谷靜鳥

聲幽即此消千慮何須覽十洲 巖潭集

原仙人池在駐蹕山下傳有仙人浴此

昌平州志

原玉斗潭距百望山十二里腐草罨之深不可測傳有

兩牛鬪陷于潭無迹又北十里為灌石駐蹕山在馬西



望白虎踞深若天井山上有臺名栖雲金章宗嘗游此

擊毬山下石床石釜俱存

薊邱集

原紅澗溝在龍虎臺西一十二里

昌平州志

原蓮塘在州治南三里八蜡廟前東西二水相環俗呼

兩水河傍植榆柳地多杭稻若水鄉焉

同上

原紅橋在州治西南十五里

同上

原雅克特穆爾與王禪軍遇於榆河北奮擊敗之追至

紅橋北因據紅橋兩軍阻水而陣

元史本傳

原至順二年四月詔建雅克特穆爾生祠于紅橋南樹

碑以記其勲五月次紅橋臨視雅克特穆爾生祠

元史文宗紀

原州西南十二里有紅橋橋亡而名尚存元文宗為雅

克特穆爾建祠立碑處也

昌平山水記

原黃潛昌平縣石橋記

由都城北抵上京其驛十有

二而昌平之為縣當其第一驛谿水逕關闌中橫絕通

衢霖潦暴至則水湍悍蓋甚人莫利涉縣尹畢侯以為

昌平今畿縣大駕時巡次舍在焉凡侍從之臣宿衛之

士與夫外頒教令內奉職貢使容傳遞之往來率由乎

是為長吏者曷敢弗謹迺規貨食募匠傭揆日之吉架

石為橋其修六十尺而其廣得修四之一自始作至訖

功為日若干車者無濟盈徒者無厲深而民不知有後

欽定四庫全書

欽定日下舊聞考

咸相與誦美之。掌其驛事者宮君琪持父老之言來。論曰：吾輩侯之為人，素慎重。雖居劇縣，善操簡以御煩。見謂材敏，然以廉平不苛，民樂其業。田里安於事，用能以暇日致力於茲橋。願有紀而附見其治行之槩。勒諸岸左，以貽永久。古者列國有四鄰，賓客之交入其境而門闔，達路廬館，川梁修除之不時，猶或譏其失政。矧今百里之郊，警蹕所臨，有能勤其官，敬其事而不忘乎嚴飭，具備如此，可謂無失政矣。宜徒一時興作之工，有足稱道哉。庸弗辭而為之書。善觀政者有考於斯，則它治行固可推而知也。畢侯名文質，濟南士族，其出宰也。由翊正據外補云。

黃文獻集

原光武時寇恂至昌平襲殺邯鄲使者奪其軍耿弇走昌平就其父况盧芳入朝南及昌平魏文帝拜牽招使

持節護鮮卑校尉屯昌平章懷太子注漢故城在今幽

州昌平縣東南

昌平山  
水記

原薊城東北一百四十里有昌平城城西有昌平河

魏氏

土地  
記

原軍都縣有昌平城

魏書地  
形志

原沮陽故城在東南四十里

昌平  
州志

原萬年城在州西南東魏天平中置萬年縣屬平昌郡

隋開皇初廢入昌平

方輿  
紀要

增古疑城在州東南二十五里南小口之西相傳遼蕭

后屯兵於此

大清  
一統志

增今州東四十里有軍都村亦曰縣址又有故城在州

西十七里又有大口故城在州東南五十里雙塔故城

在州西南十八里

昌平  
州志

原榆河驛初設于榆河嘉靖中改附州城

昌平山  
水記

增延慶衛在州西北四十里居庸關內明永樂二年置

隆慶衛隆慶初改名延慶衛所轄地東至昌平州界七

十里西至昌平州界二十里北至宣化府延慶州界三十里今府境諸衛皆裁唯此仍設

大清一統志

臣等謹按延慶衛

本朝乾隆二十四年改歸州屬其居庸關外等處撥入

延慶州分隸

原大口村在州東南五十五里

昌平州志

原元天曆二年五月丁丑帝發京師北迎明宗皇帝戊

寅次於大口

元史文宗紀

增至正十二年四月周伯琦由翰林直學士兵部侍郎  
拜監察御史視事之三日大駕北巡上京例當扈從啟

行至大口留信宿

近光集

補張煮送駕至大口作萬乘巡行遠三靈佑護多旌  
旋隨大纛鼓鐸雜鳴駝初日浮黃繖微風送玉珂臣心  
如草色不斷到

深河

蛻菴集

原桃林村在州城東三十里有法林寺元至正年建

昌平州志

原化塔村在州城西北三十里有和平寺唐建

同上

增昌平東有燕丹村

昌平山水記

原太平莊在州東南二十五里

昌平州志

原元延祐二年遷紅城屯軍於古北口太平莊屯種七年十二月罷太平莊屯田復於紅城周迴立屯

元史

原初以永清等處田畝低下遷昌平之太平莊泰定三年五月以太平莊乃世祖經行之地營盤所在春秋往來收放衛士頭匹不宜與漢軍立屯遂罷之止於舊立

屯所耕作如故

同上

原舊縣西十里為龍虎臺地勢高平如臺廣二里袤三



里元時車駕巡幸上都往來皆駐蹕其上

昌平山水記

原龍虎臺去京師百里在居庸關之南背山面水車駕

歲幸上都往還駐蹕之地

誠意伯文集

增龍虎臺納寶地也凡車駕行幸宿頓之所謂之納寶

又名巴納

遼京集 按巴納義見前舊作納鉢今譯改

原至元十九年八月駐蹕龍虎臺

元史本紀

原至元二十七年地震帝駐蹕龍虎臺召集賢翰林兩

院官詢致災之由

元史列傳

原富珠哩卍除僉太禧宗禋院迎駕至龍虎臺帝問子  
輩來何緩太禧院使阿榮對曰卍體豐肥不任乘馬從  
水道來是以緩耳

元史  
本傳

原文宗駐驛龍虎臺馬祖常應制賦詩尤被嘆賞謂中

原碩儒唯祖常云

同上

原庫庫特穆爾遣部將白索珠以萬騎衛京師駐於龍

虎臺與博囉特穆爾戰

同上

原札實博極羣籍泰定三年詔以遺逸徵至上都見帝

於龍虎臺眷遇優渥

同上

原元統初陳顥扈蹕行幸上都至龍虎臺帝命造膝前而握其手曰卿累朝老臣更事多矣凡議政事宜直言

無隱顥頓首謝

同上

原永樂八年二月車駕次龍虎臺遣行在太常寺少卿朱焯祭居庸山川二十年九月車駕次龍虎臺饗隨駕將校二十一年十一月車駕次龍虎臺賜文武大臣及

忠勇王金忠宴

明成祖實錄

補帝幸上都忠勇王從至龍虎臺拜辭帝賜衣慰諭

高麗

史世家

原宣德五年十月車駕次龍虎臺召英國公張輔等至

幄中問郊外民事賜酒饌

明宣宗實錄

補正統己巳秋七月王振挾天子率師親征至龍虎臺

安營方一鼓衆皆虛驚知為不祥也

古韻雜錄

原江平龍虎臺賦 吾聞幽都之山崔嵬青萃前劣紆  
鬱幾萬里兮扶居庸而南出壯乾坤之險阻兮開混沌  
之端倪禍龍盤而虎踞兮屹高臺之巖峩右太行之巖  
峩兮左江海之湯湯負天關之巖巖兮而紫極之清光

觀夫臺之為狀也則博故個僅朝昏往來巖岑參差日月蔽虧鞅陰雨於天半俯星辰於下輝溢氛埃而軼浮景今出凌兢而入太微吾亦不知其高廣之若是兮蓋天地之所為若乃峻嶒巖辟撐鱗奮鬣周迴連蜷蜿蜿蜒蜒林蒸潤而雨降崖轉石而雷喧勢將勝海水而噴薄鼓顛氣而飛天吾是以知臺之所以名龍神變化而無前至若嵌岩豁鋤有呀其牙孱顏岑岑而爪而攫春花明而文炳飛泉咆而慄魄衆山奔騫於其下兮若百獸震掉披靡而前却吾是以知臺之所以名虎雄萬古而磅礪爾其季春歷日法駕北巡五輅輝煌萬騎紛紜鷲旗鳳蓋之芬麗金玉戚之晶熒警蹕既啟天顏甚邇散皇風以颺幽考聲教之所被吉行信宿於焉而止喜地勢之高平縱登望之蒨蒨乾心降而微怡都人仰而稱偉於是名臣良士朱虎夔龍迷清颺於有土虛元氣於太冲鼓舞六合奮躍羣雄出淵潛之滯迹起巖穴之幽蹤吾又知臺之所以名龍虎不獨山川之勝又快

夫風雲上下之相從也嗟夫威加四海知霸心之猶存  
直計百金昭儉德之為至圖功業於丹青致獲良於千  
里是雖可以壓銅雀而下姑蘇又豈足以並茲臺之美  
乎歌曰粵瞻層臺聿穹隆兮肇基太始垂無窮兮爰考  
休徵照淳風兮於昭靈臺與俱崇兮 文翰類選

原劉秦龍虎臺賦

倚歟

太行之山呀雲霧

結

元氣

而左蟠於赫龍虎之臺摩乾軋坤魁羣山而獨尊其背  
則崔嵬突崱嶸森崗嶽而拱衛其勢則崑崙駸駸仰星辰  
之可捫白虎敦圉而踞峙蒼龍蜿蜒而屈盤狀昂首以  
奮角悅颺興而雲屯其北望則居庸截嶺煙光翠結攢  
峯列戟斷崖立鐵跋鳥飛而不度古木樛以相掣其下  
視則漲海沖澗飛波洗空風帆浪舶往來莫窮想瀛洲  
之密邇睇三山之可通彼呼鷹戲馬適足彰其陋而眺  
蟾望屋曷足逞其雄宜若茲臺之不事乎版築而靡勞  
乎土功也想其嶽峯嵒礧曼行逸選形高勢平背山面  
水巨靈獻其幽秘歸邪護其光畧何嵩華之足吞豈岱

欽定四庫全書

欽定四庫全書

十一

崇之可擬此所以通孔道於上都揭神京之外壘匪松  
喬之敢登羌乘輿之攸止也至若四黃既駕內簿既齊  
方玉車之萬乘蔚翠華之萋萋戴雲罕與九苻光彩絢  
乎虹霓山祗執警以廣道屏號灑雨以清埃朝發軔於  
清都夕駐蹕於斯臺明四目以遐覽沛仁澤於九垓眇  
軒轅之梁甫肩神禹之會稽雄千古之盛典又何數於  
方壺與蓬萊慨愚生之多幸際希世之聖明雖未獲觀  
斯臺之壯觀敢不慕乎頌聲遂作頌曰傑彼神臺在京  
之郊金城內阻靈關外包上倚天倪下鎮地軸太行為  
臂滄海為腹崇台我我虎踞之羣山龍從龍以翼之  
於鏗帝德與臺無窮於隆神臺與天斯同崇臺有偉鸞  
駕爰止天子萬年以介遐祉

誠意伯文集

原馬祖常龍虎臺應制詩 龍虎臺高秋氣多翠華來  
日似鷺坡天將山海為城塹人倚雲霞作綺羅周穆故  
榭黃竹賦漢高空奏大風歌西京巡省非行幸要仗蒼  
生樂至和 石田集

原周伯琦龍虎臺詩 巍巍百尺臺蕩蕩昌平原隆  
鎮天府奕奕環星垣居庸亘北紀奧區攸全燕蒼龍左  
蟠孳白虎右踞躄斯名豈易得天以遺吾元明明傳正  
統聖子及神孫巡歸遂駐蹕衣冠照乾坤山川皆改容  
草木亦被恩章華民力竭柏梁侈心存豈若因自然張  
設一旦昏雄偉國勢重簡檢邗本敦年年舉成典宮中

秦雲門 近光集

補果囉洛 延龍虎臺詩 晨登龍虎臺停驂望居庸  
絕聲閑雲氣長林振悲風翠華有時幸北狩甘泉宮千  
官候鳴蹕萬騎如飛龍帳殿駐山麓羽葆羅雲中我行  
避馳道弗得窮幽蹤衣裘倏涼冷積霧浮空濛前山風  
雨來驅鞭復匆匆 全臺集

補東楠龍虎臺詩 羣山剏宸居層臺納靈秀百泉暗  
東西千嶂明左右先皇雄畧深省方歲巡狩翠華懸中  
天問俗首耕樹沉沉絕鉢墨濯濯鷹犬數前行卽駝鼓  
執御各在手侍臣仰天威長跪四方奏往聞父老言羅



拜上萬壽山桃與黍酒啟齒時一喫乘雲去無蹤過者  
必稽首登披望儲胥蒸氣徹牛斗清谷居士集

原金幼致隨萬宿龍虎臺作軍都邑廢已無城龍虎

臺空尚有名山繞平原煙樹綠天連碧海暮潮平清

霄宿衛聞笳警梯燭趨朝聽鼓聲傳道乘輿

催早發中軍先已抗前旌金文靖集

原皇后店在州西南三十里元至正二十四年博囉特

穆爾遣其黨圖沁特穆爾犯闕入居庸太子遣兵逆戰

於皇后店即此也

方輿紀要

原州西八里為昌平舊縣今居民不滿百家而唐狄梁  
公祠香火特盛歲四月朔賽會二三百里內人至者肩

摩踵接考之唐書突厥陷趙定縱掠而歸公為行軍副  
元帥獨以兵追之又為河北安撫大使意其嘗至此也  
有碑一元大德四年集賢學士宋渤撰文

昌平山  
水記

臣等謹按祠在舊縣北門外正統中修有學士曹

鼎記弘治初修有郡人劉嗣榮記乾隆三十八年

重修

原狄梁公祠建自唐元大德間重建正統間修之其碑  
云梁公為昌平縣令有媪子死於虎媪訴於公公為文

檄神翌日虎伏階下拜公告于衆殺之土人思公德立

祠也

帝京景物畧

原昌平縣北有狄梁公祠元大德中重建學士宋渤記之穹碑尚存廟中常有光怪每歲二月二日南山北山之人皆來作社前數日夜碑上即有火光遠而望之碑

字皆見近視之即滅

馬氏日抄

原過沙河二十里至新井庵有松林陰一畝西數里柳林中有臺曰景梁臺土人立以思狄梁公也

帝京景物畧

原臺初名慕狄正德間戶部分司林應驄所建也隆慶

中改景梁

昌平  
州志

原宋渤重修狄梁公祠記 昌平縣治在燕山南麓邑北門外舊有唐狄梁公廢祠不知始建何代大德三年縣尹遼陽王君敬率同事葺之凡再閱月祠之內外皆完好具其事來謁予于國史府曰祠成當識竊謂傳有之能捍大患能禦大菑者咸載祀典狄公於唐社稷如忠格悍后力爭廢主能以孤身當橫中流毅然不易一言極難事耳史稱寧州為勒石頌德彭澤為立生祠魏州復有生祠皆其所常臨治恩信及人既去而猶思之者也今昌平於傳未嘗作邑而祠之何與按萬歲通天中罷魏州時嘗轉幽州都督中宗反正自右肅政御史大夫改河北道行軍元帥其罷修城守具論發兵戍疏勒非是請曲赦河北脅從民人蓋獲免者數千萬計皆

當時施行其有大思德於燕趙豈直昌平哉吾嘗往來上谷漁陽古鎮戍中往往有公祠宇蓋敦實之精惠義之著其被覆冒之境感而不忘相率祠之無疑也 狄梁公祠石刻

原劉諫議祠在舊縣東景泰三年祠隨縣徙建於儒學

內歲春秋上丁致祭

昌平州志

原諫議書院元設山長主之

明一統志

原元泰定二年五月置諫議書院於昌平祀唐劉蕡

元史

臣等謹按元史泰定間建諫議書院果囉羅納延

金臺集則云天歷間奏建書院考泰定二年至天

歷相距四年或泰定中已創其端後因宮祺奏乃  
卒成之歟

原康里庫庫請褒贈唐劉蕡以旌正直帝從其請

元史

本傳

原元建劉諫議祠許參政有壬為之記

長安容話

補唐劉蕡昌平人歷遼金無能發潛德天歷間昌平驛

官宮祺始奏建劉諫議書院

金臺集

原劉蕡字去華昌平人太和二年舉賢良方正對策指

欽定四庫全書

欽定日下舊聞考

十五

斥宦官遂不第令狐楚在興元牛僧孺在襄陽皆辟為  
從事待如師友授秘書郎為宦官所嫉誣以罪貶柳州  
司戶參軍卒昭宗時贈右諫議大夫元泰定初以昌平  
驛官宮棋奏請始為立祠祠本在舊縣縣徙祠亦徙焉  
在大成門之西程學士敏政詩云新祠門對潁池灣是

也

昌平山  
水記

原劉蕡楊嗣復門生也唐登科記寶曆三年楊嗣復下  
三十五人裴休等時蕡第十九賦齊魯會於夾谷賦晦

日與同志昆明池泛舟詩及第策直言中官嫉怒仇士  
良謂嗣復曰奈何以國家科第放此風漢耶嗣復懼曰

昔與蕢及第時猶未風耳

玉泉子

增志稱蕢宅墓在昌平今其址俱不可尋崇禎五年劉  
京兆榮嗣謀於董宗伯其昌為撰碑手書以風策士猶

稱司戶存憤也

帝京景物畧

原羅袞請褒贈劉蕢疏畧 竊見故秘書郎責授柳州  
司戶臣劉蕢當太和年對直言策是時宦官方熾朝政  
已侵人誰敢言蕢獨指斥遂遭退黜實負冤欺其後竟  
陷侵誣終罹譴逐沉淪絕世六十餘年前歲東內幽辱



西州播遷陛下德勝妖孽義感勲賢克返塵鑿再安寶位向使黃策得用黃才得施則杜漸防萌尋消逆節豈殷憂多難遠及聖躬以此追維誠堪軫悼乞宣付中書門下顯加褒贈不獨慰九泉之骨庶亦勵四海之心

文苑英華

補陸深弔劉生賦

洵劉生之瓌瑋兮已亮夫言出而

禍隨誕樹虛而賈實兮紛振古之共悲測彼蒼之倚伏兮嗟生獨罹乎此時也當明庭而鋪辭兮既已謝乎無媒也苟忠信之自印兮又奚必開金石而稱奇願韜卷以有倭兮恐歲暮之難期凌冰雪以北度兮敬弔生之芳祠空蘋藻於寒江兮悵瞻邈之何遲吁會合其猶然兮羌昧已而前之塞河決於微穴兮當狂瀾之既頽貌虎逸而負隅兮欲徒手而徑批臨深淵而莫戒兮聳旁觀之屢疑佩宣王之昭訓兮亦有道而言危曰余既知夫隱衷兮冀身卻而道垂謂將來之可恃兮竟陳言之誰施寥歷生之故墟兮睇西山之崔嵬尋采薇之舊蹤

兮路逶迤而多歧風號寒而木怒兮恍有遇於斯須情  
抑鬱而欲語兮魂靡靡以難持儻決機於轉圜兮曰獨

生之所私 儼山集

原李商隱哭劉司戶詩 有美扶皇運無誰薦直言已

為秦逐客復作楚冤魂 涵浦應分派荆江有會源併將

添恨淚一灑問乾坤 玉谿生詩集

原黃潛題劉諫議祠作 劉君古遺直祠堂在邱園嗟

此豪傑窟文雄歛孤鶯平生二三策匪徼明主思瑣瑣

談失得毋乃市井言 黃文獻集

原果囉羅納延劉蕢祠詩 入郭日已暝慘澹風葉赤

鞠躬荒祠下低徊想遺直劉君素忠憤伏闕論邦國痛

陳腹心禍竟罹考功斥餘子盡窩騰鬱鬱負慚色鄉人

仰高義千載崇廟食悲歌風蕭蕭感慨情惻惻出門無

行人涼月照東壁 金臺集

原吳師道劉諫議祠下作 李唐祚中微刑臣執其柄

賢良褒然來一策駭羣聽事幾戒不密昌言毋乃病吾

職非近臣疎義因當正為時吐忠憤誓不顧軀命同游  
雖厚顏得失非所競滔滔徇世學胡不愧元聖鄉閭  
祠宇名教係邦政居庸峭摩天過者竦深敬 吳禮部

集

原程敏政詩 老樹陰森獲廟門尚疑生氣塞乾坤衣  
冠死愧千年策俎豆公宜百世尊晏歲牛羊山下家東  
風桑梓道傍村匡時不盡平生恨白日悠悠逝水奔

篁墩集

原許成名詩 泮宮留俎豆城郭隱山川落日森林外  
荒祠古樹邊青蘋還獨薦直道更誰憐感慨悲前事臨  
風一愴然 龍石集

原何御詩 北州劉諫議廟貌尚如初俎豆春秋日江  
山涕淚餘遺蹤問故老往事見唐書千載傷君意龍蛇  
自卷舒 白湖集

原黃佐劉黃祠詩 詠議祠堂在栖栖託泮林雨垣春  
鮮合風物暮蟬吟溢浦天河遠沙河水自深歎墟浮勁

氣糾箭速巖音社稷誰能奠經綸獨爾任鼓方難入鼓  
布古合投管桑海時應變桃源路可尋炎荒終棄置  
府始浮沉宮府分南北興亡共古今吐言扶白日回首  
破層陰牢落千年夢淒清此夜心停鑣休遠躅呼酒滌  
煩襟宿鳥喧雲蝶飛鴻掠月峯廣陵有餘恨非直雍門  
琴 泰泉集

原林春澤詩 志士惜流落故山還有祠名高下第日  
心苦上書時一出歸何晚羣姦死已遲豈知朝代別揮  
涕誦君詞 人瑞翁集

原鄭善夫詩 自昔悲歌地劉生有墓祠祇餘經世志  
况值諱言時去國英雄盡還山事業遲黃金舊臺北換  
首動遐思 少谷集

原王鏊詩 荒灣野木古城隅何處昌平是舊廬氣帶  
幽笈多感慨策如晁董亦迂疎同時下第誰云屈此外  
求言總是虛不盡懷賢千古意執鞭無路欲何如 王  
文恪集

原陸深詩 諫議千年尚有祠  
唐宮未黍久離離多情瘦馬衝寒到  
無數青山落照遲往事空傳臺下駿靈風常滿廟前旗  
冰霜入夜頻搔首欲奠芳椒侑楚辭 儼

山集

原駱文盛宿昌平劉諫議祠詩 諫議祠堂日已頽入

門蕭瑟但蒿萊英風祇自懷千古行潦那能奠一杯人

靜颺颺啼夜雨月明風露冷秋槐更餘不

盡徘徊意手摸殘碑思轉哀 兩谿集

原唐太尉朱懷珪墓在州城西北十五里積粟山下碑

文為元載撰李融書

昌平州志

原吳師道覽朱懷珪碑詩 昌平官道旁卧碑何壯偉

有唐營府督懷珪姓朱氏盧龍首彊藩巨孽所根柢爾

嗣此與滔逆氣粵有始眈眈元相國肆筆方述紀寧知

兩月後口峨不貸爾千載托斯人遺臭同一軌荒墳莽

無流石獸相持倚雙螭已插地文字未殘毀徒令行路者惜惜嗟嗟僭侈聖賢樹功德金石無溢美末世乃濟姦事定有公是奈何極穹崇來者紛未已留此懲不忠弁以愧諂子

吳禮部集

原昌平人卜地葬母開礦見有紫漆棺而丹漆書其前蓋婦人之墓而其夫所為文文曰里人盧孝妻祝氏月英父某母某孝始聘其姊為權力奪去父母以英續盟英貌莊性慧事舅極禮敬女紅經史音樂皆通曉日不廢書夜必刺績夫婦未嘗離舍勢力者復欲奪英英憤恚死歸孝三年年二十一歲散衣十九件皆英手刺花鳥弁其平生玩好悉以歸冥

耳談

原瑞光寺在州治後成化十年勅建

昌平州志

原流沙寺在鞏華城北門外元皇慶年建

同上

原上方寺在駐蹕山上有十八盤寺南為仙人陀

同上

臣等謹按畿輔寺觀志寺有二一在昌平州南口

東一在駐蹕山上有十八盤

原昭聖寺在州西北唐乾符六年建明正統十三年奉  
勅重修寺有廣大圓滿大悲心陀羅尼幢一開元中三

歲沙門不空奉詔譯劉詔書

昌平州志

原狄公祠南道上立二石幢鐫梵語字法頗類李北海

唐貞觀中物也過西廢寺有二幢元奘手書

帝京景物畧

原舊縣大街東有佛頂尊勝陀羅尼幢一罰賓沙門佛  
陀波利奉詔譯大街西有無礙大悲心陀羅尼幢一開

元國師三藏沙門不空奉詔書

昌平  
州志

朱彛尊原按不空開元時僧徐浩為之書碑者也  
帝京景物畧因三藏字遂指為貞觀中元奘書誤  
矣

補聖恩寺在昌平州崔村明正統四年建寺碑翰林院  
編修劉昇撰中書舍人趙昂書景泰三年立石

木葉山  
花記



補劉昇聖恩寺碑畧 聖恩禪寺在昌平崔邳北寶峯  
下其地四山環寺東至大獨山南至南阿坡西至釣魚  
坡北至將軍軍陀經始于正統三年十月明年十  
一月落成勅賜額曰聖恩禪寺 聖恩寺石刻

原白瀑寺在居庸關西百里寺中畫壁碑志皆金大定

年物

東田漫稿

原馬中錫白瀑寺詩 白雲深處萬重山寺在雲山杳  
靄間四壁丹青圖海會斷碑文字記完顏頃餘盤石僧  
初定齋罷生臺鳥未還世上紅塵  
應不到正宜長日掩柴關 同上

補龍泉寺在昌平州芹城村龍潭之上本天祐舊刹駙  
馬都尉濟延修之成化三年十月釋道深撰碑行湛立

石

黃岡雜志 按濟廷義見  
前舊作井源今譯改

臣等謹按昌平州志寺有二一在芹城北天祐元

年建一在州治東南五里龍泉山頂

補釋道深勅賜龍泉寺記 神山在昌平縣東三十餘

里芹城村村有龍潭約九畝有古龍泉寺天祐元年造

舍利寶塔又有海雲國師及大慶壽尊宿塔又有望景

軒宣德間嘉興大長公主偕駙馬都尉濟廷捨金帛建

龍泉

寺石刻

補昌平之東地名馬坊釋如進立彌陀寺

德園集

增香巖寺在昌平州永豐屯舊名彌勒院

本朝康熙五十九年重建改今名

大清一統志

增曹房庵在州治東八里相傳為劉諫議讀書處

昌平州志

補弘治十年以昌平湯山莊地二百頃賜大慈延福宮

勅建道觀一所額曰崇虛

黃圖雜志

原元福觀在州治南四十里

昌平州志

原元福宮弘治十七年建俗呼為迴龍觀

昌平山水記

原楊魏宿迴龍觀詩 沙際開瑤館鑿興幾度過日迴  
雙闕迴雲傍九陵多承露空仙掌沿堦自綠蘿夜深清

吹發猶憶舊鴻

珂夢山集

原老君堂東北有長春亭三間東西廂各三間以備游

憩

昌平山水記

原呂真人祠有二一在西北大街有明尚書董其昌撰并

書碑一在溝溝崖紫極峯

昌平州志

增明董其昌呂真人祠記

余少誦陰符道德意以為

清靜所宗已而觀真誥所載類皆所主在忠孝節義清  
靜其寓境也若呂真人於東溟陳大將軍有可異者將  
軍兒時遇道者眼光射人熟視公曰孺子勉之異日統  
數百萬貔貅為國家干城幸自愛髮未燥即喜習尚父  
司馬兵法以報國自矢已未春會遼左四路進師公當  
後勁失利被創墜馬僵卧草中見兒時所遇道者相慰  
勞云救爾者至矣忽聞馬蹄聲數百遂以馬乘將軍疾

馳而歸始信真人記薊不虛耳將軍念真人與有夙緣節鉞所至必為立祠紅螺固其家山至若在甘肅則祠之在石城又祠之在招寶又祠之迨菑昌平鎮度鈴閣左右購隙地建堂三楹丙舍為丹室崇門邃扃視諸祠尤雄麗惜將軍未遇大用早遂其談笑封侯之志然隨在必著壯猷與戚大將軍後先伯仲將軍祠呂公之意政未可量也我鄉本一禪院亦有回先生靈蹟近遺吾友仲醇樂一瓢施濟不竭茲將歸將從詢此一段奇事適將軍礮石索予言遂書所遇真人始末歸之公諱洪範字九疇別號東溟祠始於癸卯秋成於甲辰之夏云 呂真人祠

石刻

欽定日下舊聞考卷一百三十五

欽定日下舊聞考卷一百三十五舉正

泰定原書泰訛作太今改

劉蕭字  
去華條

欽定日下舊聞考卷一百三十五舉正

欽定四庫全書

欽定日下舊聞考卷一百三十六

京畿

昌平州三

臣等謹按昌平州之天壽山明代十三陵皆在其地

本朝順治四年夏四月

世祖章皇帝特命工部修葺九年

勅禁明陵樵採十六年十一月十四日



世祖駕幸明陵十七日致祭明諸陵及明愍帝陵並

御製祭文又

命閣臣金之俊撰思陵碑記十二月復頒

諭修明崇禎帝陵詔並

命設立陵戶給與贍田俾司香火仰見

渥典深仁有加無已茲謹將朱彝尊原書所引各條另

編為帙並於卷首分晰恭載

世祖諭旨并

御製文以紀

盛德焉

增

世祖章皇帝諭工部勅

諭工部前代陵寢神靈所棲理應嚴為防護朕巡幸畿  
輔道經昌平見明朝諸陵寢殿宇牆垣傾圮特甚近陵  
樹木多被砍伐向來守護未周殊不合理爾部即將殘  
毀諸處盡行修葺見存樹木永禁樵採添設陵戶令其

小心看守責令昌平道官不時嚴加巡察爾部仍酌量每年或一次或二次差官察問勿致疎

虞特諭

增

世祖章皇帝祭明諸陵文 維順治十六年歲次己亥十一月戊午朔十有七日甲戌

皇帝致祭於明成祖皇帝仁宗皇帝宣宗皇帝英宗皇帝憲宗皇帝孝宗皇帝武宗皇帝世宗皇帝穆宗皇帝

神宗皇帝光宗皇帝熹宗皇帝諸帝丕承鴻運撫有寰  
區莅政理民為一代主朕巡幸畿輔道經昌平瞻陵寢  
之在茲景臨風而興感特以牲帛醴齊庶品之儀用申  
祭享尚其歆格

原燕山自西山迤邐東來至玉田縣西北延袤數百里  
直抵海岸 紀纂淵海

原燕山去神京百里而近國朝諸陵在焉更名天壽  
翁文簡集

原永樂七年五月營壽陵於北京昌平縣東黃土山封  
曰天壽山命武義伯王通督工 大政記

原居庸東折玉帶神嶺諸山若抱若拱八陵在焉 治  
平略

原文皇帝初卜陵衆議欲用檀柘寺基上獨銳意用黃土山即天壽山也宙載

原寧陽人王賢少遇異人相之當官三品乃授以青囊書遂精其術永樂七年成祖卜壽陵有司以賢應命于

昌平東北十八里選得吉壤舊名東榨子山陵成封曰天壽賢後累官至順天府尹水東日記

原永樂七年仁孝皇后尚未葬成祖擇壽陵久未得吉壤禮部尚書趙軀以江西術士廖均卿至昌平縣遍閱

諸山得縣東黃土山成祖即日臨視封天壽山命武義伯王通董役授均卿官獻徵錄

原天壽山名始於成祖蓋嘗駐蹕于此飲酒是日適萬壽之期羣臣上壽故名天壽今之傳謠者謂為御體所

藏名天壽者非也明世廟識餘錄原天壽山陵擇地或云江西廖均卿或云山東王賢賢

字惟善中永樂辛卯鄉試以馮陵訓導擢戶科給事中陞光祿寺少卿尋遷順天府尹實錄暨宛州府志皆未

言其精青烏之術所聞異辭難以懸定也 兩京求舊錄

原山陵入路第一層龍砂帶崖第二層白石坊在紅門之南嘉靖十九年建坊北石橋橋南二喬松北瞰流泉松柏左右列各六行第三層自坊內行松陰中三里許至紅門下馬步入門內左為拂塵殿圍牆正殿二層羣室六十餘楹皇帝謁陵至此更衣左右槐樹正寢二殿羣圍房各五百餘間第四層至龍鳳門黃綠琉璃瓦治門內外白玉石華表柱各二雕蟠龍色如乾黃玉門內外石橋七座白玉石為欄第五層至碑樓洪熙元年建碑高十丈許無字第六層至樞星門左右列雕龍白玉石柱石人石馬麒麟象虎駱駝犀牛獅子 燕都遊覽志

原宣德十年四月修葺長陵獻陵始制石人石馬於御道東西 明宣宗實錄  
原長陵葬成祖體天宏道高明廣運聖武神功純仁至

孝文皇帝仁孝茲懿誠明莊獻配天齊聖文皇后徐氏外一十六妃謚葬不可考 嘉靖祀典

增仁孝皇后徐氏中山王達長女嘗採女憲女誠作內訓二十篇又類編古人嘉言善行作勸善書頒行天下

永樂五年七月崩 明史

原長陵在天壽山中峯之下門三道東西二角門門內

東神厨五間西神庫五間厨前有碑亭一座南向內有碑龍頭龜趺無字重門三道榜曰稜恩門東西二小角

門門內有神帛爐東西各一其上為享殿榜曰稜恩殿九間重簷中四柱飾以金蓮餘髹漆階三道中一道為

神路中平外城其平刻為龍形東西二道皆城有白石欄三層東西皆有級執事所上也兩廡各十五間殿後

為門三道又進為白石坊一座又進為石臺其上爐一花瓶燭臺各二皆白石又前為寶城城下有甬道內為

黃琉璃屏門一座旁有級分東西上折而南是為明樓重簷四出陞前俯享殿後接寶城上有榜曰長陵中有

大碑一字大徑尺以金填之碑用朱漆欄畫雲氣碑頭  
交龍方趺寶城周圍二里城之內下有水溝自殿門左  
右繚以周垣屬之寶城舊有樹 昌平山水記  
原長陵在龍鳳門正北十二里居中其地名山塲乃康  
家莊也陵之左有元時康家墳存之春秋賜二祭陵規  
制大於諸陵祿思殿石欄三重惟此與定陵為然其餘  
僅一重耳登寶城獨從中道一門入與他陵左右掖門  
入者異碑潤四尺五寸厚二尺五寸他陵亦不及也

燕都遊覽志

原長陵門右別有具服殿五間東向有周垣垣南有白  
石槽五方而長名曰雀池貯水以飲雀 昌平山水記  
原宣德五年三月上駐蹕陵下謂侍臣曰皇祖常言古  
帝王陵寢有崇奢麗及藏寶玉者皆無遠慮吾子孫宜  
戒之不可蹈也今所建陵寢皆皇祖當時規畫不敢有  
所增益 明宣宗實錄  
原宣德十年十月己酉建長陵神功聖德碑 同上



原長陵碑正統初南城程南雲奉命書明武宗實錄  
原嘉靖十七年上閱長陵碑欲更成祖謚號命毀木加

碑上郭勛上疏以為宜盡磨舊字更書之可以垂永久  
上不悅曰朕不忍琢傷舊號下禮部翰林院議部覆請

遵上諭如式刊製擇吉奉安詔可明典彙

原萬厯三十二年雷震長陵碑上命重建於是大學士

沈一貫上疏言世祖欲改刻成祖陵碑而未違今雷神  
奮威乃天意示更新之象欲皇上續成祖德乘此更立

新碑此莫大之慶也上優旨允行噫上蒼示警于祖陵  
正宜君臣修省乃反以為瑞應形之章奏比王安石天

變不足畏罪浮十倍矣野獲編  
原揚士奇陪祀長陵作萬里蒼梧去不還宮車千古

闕橋山日華間映芙蓉殿雲氣深連虎豹關扶病此時  
瞻玉几傷心何處望龍顏遺臣泣盡餘年淚天上烏號

不可攀東里集  
原李夢陽謁陵詩本朝陵墓傍居庸聞說先皇駐六

龍一自玉輿回朔漢遂令金殿鎖秋峰明裡袞職雖多  
預備物祠官豈盡供報祀獨知今上切每於霜露見愁

容空同集

增邊貢冬至長陵詩中峰隱隱下朝陽復嶂層崖起

曙光觀闕昭回森象魏山河表裏奠金湯陵門月映千  
年樹寢殿風飄五夜香長至祠臣竊供奉擬書雲物紀

靈祥華泉集

原劉士驥長陵陪祀詩赤縣歸真主青山鎖故宮玉

魚沉永夜石馬立西風霜露秋容肅椒蘭祀典崇明裡  
鸞馭在濟濟駿奔同蟋蟀軒草

原鄭善夫至日陪祀長陵作長陵西接黃花鎖白雪  
蒼巖夜色遙陰殿袞龍猶在目往時松柏已干霄總聞

一怒風塵起想見千官遶次朝悵極兩京興廢事小山  
何意起漁樵少谷集

原區大相供事長陵詩文皇鼎成後此地葵衣冠日  
月神宮闕山河帝寢安塞雲疑扈蹕關樹想回鑿寂寞

犁庭事深知創業難  
何日返龍馭幾時升寢殿行春草幽宮寂夜燈萬年關

路北神武至今稱海日集

原又雨中祀長陵東同事諸子詩  
冒雨祠官肅山園

禁漏稀雲輕沉蕙帳風細颯靈衣浙瀝松堦靜深沈燎  
火微羣公攀望處入夜有龍歸同上

原范景文詩松風一道瀉哀湍碧瓦鱗鱗白石欄一  
自路荒清蹕後十年間殺老中官冰餐堂集

原仁宗昭皇帝陵曰獻陵在長陵之右燕都遊覽志

原獻陵葬仁宗敬天體道純誠至德宏文欽武章聖達

孝昭皇帝誠孝恭肅明德宏仁順天啟聖昭皇后張氏

其恭靖賢妃恭懿惠妃貞靜敬妃俱葬金山外一妃謚

葬不可考嘉靖祀典

增誠孝皇后張氏永城人父麒以女貴追封彭城伯正

統七年崩合葬獻陵明史

原七妃三葬金山餘皆從葬明史

原七妃三葬金山餘皆從葬明史

原獻陵在天壽山西峰之下距長陵西少北一里自北  
五空橋北三十餘步分西為獻陵神路至殿門可半里  
有碑亭一座重簷四出陞內有碑龍頭龜趺無字亭南  
有小橋門三道榜曰稜恩門無角門殿五間單簷柱皆  
朱漆直椽階三道其平刻為雲花石欄一層東西有級  
兩廡各五間餘如長殿殿有後門為短簷屬之垣垣有  
門垣後有土山曰玉案山故闢神路於殿西玉案山之  
右有小橋前數步又一小橋跨溝水溝水自陵東來過  
橋下會於北五空橋山後橋三道皆一空又進為門三  
道並如長陵而高廣殺之甬道平寶城小塚半填榜曰  
獻陵餘並如長陵山之前門及殿山之後門及寶城各  
為一周垣舊有樹 昌平山水記

原十三陵制獻陵最樸景陵次之洪熙元年五月上疾  
大漸遺詔有曰朕臨御日淺恩澤未浹於民不忍重勞  
山陵制度務從儉約是日升遐皇太子即皇帝位及營  
仁宗皇帝山陵上諭尚書蹇義夏元吉等曰國家以四

海之富葬其親豈惜勞費然古之帝王皆從儉制孝子思保其親之體魄於久遠亦不欲厚葬秦漢之事足為明鑒况皇考遺詔天下所共知今建山陵宜遵先志義等對曰聖見高遠發於孝思誠萬世之利於是命成山侯王通工部尚書黃福總其事其制度皆上所規畫也

同上

原楊士奇謁陵詩 去年侍從謁長陵此日重來慟倍增春柳春花渾似昔獻陵陵樹復層層君恩追憶不勝哀老淚乾枯病骨摧陵下一來腸一斷餘生知復幾回來 東里集

原宣宗章皇帝曰景陵陵在長陵之左 燕都遊覽志原景陵葬宣宗憲天崇道英明神聖欽丈昭武寬仁純孝章皇帝孝恭懿憲慈仁莊烈齊天配聖章皇后孫氏而以恭讓誠順康穆靜慈皇后胡氏葬金山榮思賢妃亦葬金山外六妃謚葬不可考 嘉靖祀典增孝恭皇后孫氏鄒平人父忠任永城縣主簿天順六

年崩合葬景陵

明史

增恭讓皇后胡氏濟寧人宣宗即位孫貴妃有寵后未

有子又善病上表辭位正統七年崩葬金山同上

原八妃一葬金山餘皆從葬

明典彙

朱彛尊原按宣德十年三月庚子贈何氏為貴妃

謚端靜趙氏為賢妃謚純靜吳氏為惠妃謚貞順

焦氏為淑妃謚莊靜曹氏為敬妃謚莊順徐氏為

順妃謚貞惠袁氏為麗妃謚恭定諸氏為恭妃謚

貞靖李氏為充妃謚恭順何氏為成妃謚肅僖謚

冊有曰茲委身而蹈義隨龍馭以上賓宜薦徽稱

用彰節行是從葬者蓋有十妃祀典彙皆誤也

原景陵在天壽山東峰之下距長陵東少北一里半自北五空橋南數步分東為景陵神路至殿門三里碑亭門廡如獻陵殿五間重簷階三道其平刻為龍形殿有後門不屬垣殿後門三道並如獻陵甬道平實城長而狹榜曰景陵周垣如長陵實城前存樹十五株冢上一株

昌平山水記

原嘉靖十五年四月上親詣景陵語郭勛等曰景陵規制獨小又多損壞其于宣宗皇帝功德之大殊為勿稱

當重建享殿增崇基構

明世宗實錄

原天壽七陵惟景陵規制獨小嘉靖十五年稍廓大之

今言

原許國謁景陵詩 宣宗黃屋闕青山十載雍熙想像

間睿藻向來金匱秘宸遊長罷玉泉開蒼林迴合春流  
斷紫霧冥濛畫殿闕始信霸陵留儉德試看階玉點苔

班許文穆集

增景泰七年營壽陵八年上皇復位廢帝為郕王薨於西宮謚曰戾毀所營壽陵以親王禮葬西山給武成中衛軍二百戶守護成化十一年敕有司繕陵寢祭饗視

諸陵明史

原英宗睿皇帝曰裕陵在慶陵少西燕都遊覽志

原裕陵英宗法天立道仁明誠敬昭文憲武至德廣孝睿皇帝孝莊獻穆宏惠顯仁恭天欽聖睿皇后錢氏孝肅貞順康懿光烈輔天成聖皇后周氏其靖莊安穆宸妃莊倍端肅安妃端莊昭妃恭安和妃恭禧成妃榮靖貞妃恭靖莊妃恭莊端惠德妃莊和安靖順妃昭肅靖端賢妃端靖安和惠妃端靖安榮淑妃安和榮靖麗妃昭靜恭妃倍恪克妃惠和麗妃端和懿妃俱葬金山貞順懿恭惠妃葬桃山嘉靖祀典

增孝莊皇后錢氏海州人正統七年立為后無子周貴妃有子立為皇太子成化四年崩合葬裕陵異隧距英



宗元堂數丈許中室之虛右墻以待周太后其隧獨通而奉先殿亦不設后主明史

增孝肅周太后英宗妃憲宗生母也昌平人憲宗即位尊為皇太后弘治十七年崩合葬裕陵同上

原山陵初止一后祔葬至英宗元配孝莊錢后終時憲宗厭于生母孝肅周后葬不得祔葬裕陵大臣力諍之

始虛孝肅元宮以待而二后並祔自此始矣野獲編  
原十八妃一葬絲山餘俱金山明典彙

原高廟文廟仁廟宣廟皆用人殉葬至英宗大漸召憲廟謂之曰用人殉葬吾不忍也此事宜自我止後世子

孫勿復為之至今遂為定制否泰錄  
原天順八年六月裕陵成其制金井寶山城池一座照

壁一座明樓花門樓各一座俱三間香殿一座五間雲龍五彩貼金硃紅油石碑一祭臺石一燒紙爐二神厨

正房五左右廂房六宰牲亭一牆門一奉祀房三門房三神路五百三十八丈七尺神宮監前堂五間穿堂三

間後堂五間左右廂房四座二十間周圍歇房並廚房  
八十六間樓一門房一大小牆門二十五小房八井一  
神馬房馬房二十歇房九馬槽三十二大小牆門六白  
石橋三甃石橋二周圍包砌河岸溝渠三百八十八丈  
二尺栽培松樹二千六百八十四株 明英宗實錄  
原裕陵在石門山距獻陵西三里自獻陵碑亭前分西  
為裕陵神路路有小石橋碑亭北有橋三道皆一空平  
刻雲花殿無後門榜曰裕陵餘並如景陵寶城如獻陵  
垣內及冢上樹存一百七十株 昌平山水記  
原宋獻陪祀裕陵詩 龍荒六駕飛想像翠華歸廟社  
靈無改天人理果微烝嘗欣永托禮樂正垂衣寢殿澄  
氛霧觚稜漾素輝 昌平州志

原憲宗純皇帝陵曰茂陵在裕陵西北 燕都遊覽志  
原茂陵葬憲宗繼天凝道誠明仁敬崇文肅武宏德聖  
孝純皇帝孝貞莊懿恭靖仁慈欽天輔聖純皇后王氏  
孝穆慈慧恭恪莊僖崇天承聖皇后紀氏孝惠康肅溫

仁懿順協天佑聖皇后邵氏而恭肅端順榮靖皇貴妃亦葬天壽山端順賢妃恭惠和妃和惠靖妃莊靖順妃端榮口妃莊懿德妃靖順惠妃昭順麗妃端僖安妃恭懿敬妃懷榮賢妃靖僖榮妃俱葬金山嘉靖祀典

增孝貞皇后王氏上元人孝宗即位尊為皇太后武宗即位尊為太皇太后正德十三年崩合葬茂陵明史

增孝穆紀太后賀縣人本蠻土官女成化十一年暴薨孝惠邵太后昌化人父林嘉靖元年崩同上

原孝穆皇后紀氏考宗生母也初葬金山孝宗即位遷合葬孝惠皇后邵氏興獻帝生母也初葬金山世宗即位遷合葬十四妃一葬陵之西南餘俱葬金山廢后吳氏亦葬金山明典彙

原憲宗初選吳氏旋廢則元配為孝貞后王氏而孝宗生母為孝穆后紀氏同祔茂陵蓋循用裕陵新例至嘉靖入續則憲宗貴妃邵氏已稱壽安皇太后尋終祔葬金山後亦遷祔茂陵于是三后並祔又從此始野獲

編

原茂陵在聚寶山距裕陵西一里自裕陵碑亭前分西

為茂陵神路路有石橋一空制如裕陵榜曰茂陵垣內  
外及冢上樹千餘株十二陵惟茂陵獨完它陵或僅存

御榻茂陵則箕簾之屬猶有存者

昌平山水記

原程敏政望茂陵詩 茂陵宮殿鬱參差已近先皇發引時

上界鸞聲應載道北山龍脈又分支 遞遷九室藏新主會遣

千官奉節祠慚愧十年叨講嵬一言無補髮如絲 篁墩集

原薛惠謁茂陵祀孝貞太后詩 一棗東朝養千秋不

復歸夜臺長寂寞月殿少光輝野露淒金盃山風動玉

衣茂陵多碧草春日自芳菲 西原集

增王蓋恭送孝穆皇太后祔葬茂陵詩 露宿千官繞

風悲萬木號配天同浩蕩啟聖亦劬勞紅日低黃屋青

山映白袍誰云金口遠還接茂陵高 王文恪集

原孝宗敬皇帝陵曰恭陵在茂陵之西 燕都遊覽志

原恭陵葬孝宗建天明道誠純中正聖文神武至仁大德敬皇帝

孝康靖肅莊慈哲懿翊天贊聖敬皇后張氏 嘉靖祀典  
增孝康張皇后興濟人父巒封昌國公嘉靖二十年崩合

葬恭陵

明史

原弘治十八年六月營恭陵于天壽山敕太監李興新

寧伯譚佑工部左侍郎李鏐提督發五軍等三營官軍  
萬人供役 明武宗實錄

原初建泰陵都下盛傳其地有水吏部主事楊子器直  
言其事時督工太監李興有殊寵勢焰薰灼遂下楊錦  
衣獄莫敢救者適起復知縣邱泰甫田人到京上疏言  
子器此奏甚有益蓋泰陵有水通國皆云使此時不言  
萬一梓宮葬後有言者欲開則洩氣不開則抱恨終天  
今視水有無此疑可釋尋遣司禮監太監蕭敬押楊往  
衆謂必遭興毒手及至興率奴客詈罵楊欲善之蕭敬  
曰水之有無視之立見何必爾又顧興曰士大夫可殺  
不可辱也遂得免既回奏無水衆又謂楊必死事傳禁  
中太皇太后聞之曰無水則已何必罪之遂得還職

九朝野記

補泰陵金井內水孔如巨杯水仰噴不止楊名父親見之歸而疏諸朝請易地事下工部湯陰李司空鋋怒其多言害成功陰令人塞其孔以誹謗狂妄奏命錦衣官校押名父赴陵所驗看名父身親三木朝辭賦詩云禁鼓無聲曉色遲午門西畔立多時楚人抱璞云何泣杞國憂天竟是癡羣議已公須首實衆言不發但心知殷勤為問山陵使誰與朝廷決大疑其志亦可憐矣孝廟聖體竟葬此中言之可為寒心李司空居官風采凜凜晚年尤剛勁不阿獨此一事不愜人意無用閒談

原泰陵在史家山距茂陵西北二里自茂陵碑亭前分西為泰陵神路路有石橋五空賢莊灰嶺二水運馬碑亭北有橋三道皆一空制如茂陵榜曰泰陵垣內及冢上樹百餘株存御座御案御榻各一承塵皆五色花板多殘缺而茂陵泰陵獨完昌平山水記

原何景明謁泰陵詩世切如雲望天推格帝功彌留

念諸將顧命托三公玉几星辰上元宮霜露中松楸慟  
哭地白日起悲風 大復集

原徐禎卿長陵西望泰陵詩 新宮猶靄靄白露已蒼  
蒼詎識神靈遠徒悲劍舄藏陰風連大漠落日照漁陽

措首攀松柏雲天洒淚長 迪功集

原邊貢供事泰陵有述 像設徒虛備龍游竟不還勳

華留率土精典寄空山石銅金泉黜雲棲碧殿殷寢園

如種竹應有淚成斑 華泉集

原又望陵詩 徙倚東峰下西峰望鬱然元宮深闕日

玉座迴浮烟風雨清明候乾坤正德年攀龍無處所空

有淚潺湲 憶在先朝日曾沾侍從恩鸞與歸寂寞鳳

質儼生存夕日昏阡樹春風長澗紫祠官如可乞長奉

泰陵園 同上

原顧璘詩 松柏西陵路祠臣仗節來衣冠瞻漢寢弓

劍拜軒臺細雨春山濕明星曉殿開年年揮淚地不見

長蒼苔 息園集

原王誣望秦陵詩 寡昧漸樗散 休明憶聖朝 風雲猶鬱鬱 松柏自蕭蕭 方劍仙原闕 謳歌帝德昭 放勳如可作 直欲贊神堯 彭衙集

原何瑋望秦陵作 泉高一自掩 重闕惆悵龍 驛不再

攀絳節 定應歸帝所 翠華無復到 塵寰亂峰殘 照元猿

哭衰草 寒烟石獸閒 載筆小臣疑 望久玉樓瑤殿倚 倚空

山 何文定集

原王衡詩 九原何處不蒼涼 弓劍橋山泣 孝皇警夜

燎光承委珮 當闕午漏下 封章翠旗風 雨歸華表 玉几

星辰照未央 千禩秦陵坏 土濕登臺北 望一沾裳 緌

山集

原武宗毅皇帝陵曰康陵在秦陵正西田大受謁康陵

記康陵西去紅門三十里十二陵中最僻遠者陵背負

五峰形如青齒蒼舊名蓮花山灌莽陰森望之不見土

石長松大者至數十圍 燕都遊覽志

原康陵葬武宗承天達道英肅睿昭昭德顯功宏文思



孝毅皇帝孝靜莊惠安肅溫誠順天偕聖毅皇后夏氏

嘉靖祀典

增孝靜皇后夏氏上元人正德元年冊立為皇后嘉靖十四年崩合葬康陵

明史

原二妃葬金山

明典彙

原康陵在金嶺山距泰陵西南二里自泰陵橋下分西南為康陵神路山勢至此折而南故康陵東向路有石橋五空錐石口水逕焉又前有石橋三空制如泰陵榜曰康陵明樓為賊所焚垣內外樹二三百株

昌平山水記

原馬汝驥望康陵詩 康陵接泰陵西極紫雲層暮倚金門柏秋攀玉殿藤地靈原有待天壽豈無憑洒淚還

佳節龍髯不可升

西原集

原王健上陵詩 玉帛來天府衣冠去國門萬年周典禮七葉漢陵園月映元宮迴星依紫極尊翠華如在上

瞻切五雲屯

鶴泉集

原張孚敬康陵陪祀作 至日康陵上初封土未乾君  
臣原一體瞻拜亦多官清路旌旗斷空山草木寒去年

當此日猶未返長安 羅峰集

原顧夢圭謁康陵詩 早霧龍山暝新松匝殿稠三邊

餘武烈入駿想神游花萼皇情遠衣冠歲事脩傷心大  
官酒猶得獻千秋 疣贅錄

原王世懋夜出康陵作 石瀨苦頻涉崖巒却屢登寒

星動飛澗斷樹出疎燈不辨元宮色猶瞻紫氣層行行

一回首寂寞問康陵 王奉常集

原世宗肅皇帝陵曰永陵在長陵東南享殿前後凡五  
重牆內外皆植栝子松稜恩殿後之左有松卧而復起

西向三折而始上寶城頂有杏有桑 燕都遊覽志

原永陵葬世宗欽天復道英毅聖神宣文廣武洪仁大

孝肅皇帝孝潔恭懿慈睿安莊相天翊聖肅皇后陳氏

孝烈端順敏惠恭誠祇天衛聖皇后方氏孝恪淵純慈

懿贊天開聖恭順皇后杜氏 芹城小志

增孝潔皇后陳氏元城人嘉靖七年崩諡曰悼靈葬嶼  
兒峪十五年改諡曰孝潔遷葬永陵 明史

增孝烈皇后方氏江陵人嘉靖二十六年崩預名葬地  
曰永陵 同上

增孝恪杜太后穆宗生母嘉靖三十三年薨葬金山穆  
宗立遷葬永陵 同上

原孝潔皇后陳氏初葬襖兒峪隆慶初遷合葬繼后方  
氏葬金山孝恪皇后杜氏穆宗生母也初葬金山隆慶  
初遷合葬二十六嬪惟五妃葬襖兒峪餘俱金山 明  
典彙

原世宗元配為孝潔后陳氏繼曰孝烈后方氏上以方  
氏有定變衛護功其終也梓宮先入永陵元宮又特祧  
仁宗以孝烈神主入太廟比穆宗登極遷孝潔梓宮與  
孝烈並祔而上生母為孝恪后杜氏亦遷祔焉永陵亦  
有三后同穴一如茂陵故事矣 野獲編  
原嘉靖十五年禮部諸臣上言帝后合葬諸妃陪葬古

今經常之制英宗皇帝遺詔皇妃他日宜合葬惠妃亦當遷來以後諸妃次第附葬聖訓具在今會典止載睿皇後錢氏合葬裕陵諸妃竟無陪葬者茂陵亦無陪葬莫考其故臣等竊以諸妃陪葬義則不當由隧宜于外垣之內寶山城之外明樓之前左右相向以次而附庶合禮制從之

嘉靖祀典

原嘉靖十五年作壽陵君即位為柩禮也壽宮在十八道嶺

今言

補永陵成世宗登陽翠嶺顧謂工部臣曰朕陵如是止乎部臣倉皇對曰外尚有周垣未作乃築垣諸陵所無也後定陵效之

北游紀方

補永陵寶城八十一丈外加方牆圍獲特異諸陵

朱

文懿奏議

原永陵在十八道嶺嘉靖十五年改名陽翠嶺距長陵東南三里自七空橋北百餘步分東為永陵神路長三里石橋一空有碑亭一座如獻陵而崇鉅過之碑亭

南有石橋三道皆一空門三道門內東神厨五間西神  
庫五間重門三道東西二小角門又進復有重門三道  
飾以石闌累級而上方至中墀殿七間兩廡各九間其  
平刻左龍右鳳石闌二層餘悉如長陵殿後有門兩旁  
有垣垣各有門明樓無甬道東西為白石門曲折而上  
樓之三面皆為城堞榜曰永陵享殿明樓皆以文石為  
砌壯麗精緻長陵不及也寶城前東西垣各為一門門  
外為東西長街而設重垣于外垣凡二周皆屬之寶城

其規制特大 昌平山水記

原公竊謁永陵詩 帝座明江漢河清應聖人規模千

古上制作百王新方劍瞻遺像風雲想舊臣桃花流磧

壑長見永陵春 問次齋稿

原何喬遠謁永陵詩 嗣服推真主垂衣數中興龍飛

三楚外鳳起五雲層英武天將縱聰明古未曾文思多

自渙威惠乃無恒議禮臣工屈歲心聖哲能居深三殿

秘坐致萬方澄龍首朱堂建具茨法駕登夜飛陳寶石

青映壽宮燈名昔張祖達聲終願駟騰私門哀十壁萬  
姓泣橋陵甲楯神猶護松楸涕倍增中宵天仗外明月

滿觚稜 鏡山集

原穆宗莊皇帝陵曰昭陵在定陵之南東向 燕都遊

覽志

原昭陵葬穆宗契天隆道懿寬仁顯文光武純德宏

孝莊皇帝孝懿貞惠順哲恭仁儷天襄聖莊皇后李氏

孝安貞懿恭純溫惠佐天宏聖皇后陳氏孝定貞純欽

仁端肅弼天祚聖皇后李氏 芹城小志

增孝懿皇后李氏昌平人穆宗為裕王選為妃嘉靖三

十七年薨葬金山神宗即位合葬昭陵 明史

增孝安皇后陳氏通州人萬曆二十四年崩 同上

原昭陵在大峪山距長陵西南四里自七空橋北二百

許步分西為昭陵神路長四里路有石橋五空德勝口

水逕焉又西有石橋一空陵東向碑亭西有橋三道皆

一空餘如康陵榜曰昭陵明樓為賊所焚樹亡 昌平

山水記

原趙用賢陪祀昭陵紀事

瑤臺晴雪淨春空劍珮聲

沉苑路東霜露每煩憂聖主韶璫無復肅齋宮通原燎

火分宵白拂樹霓旌映曉紅寂寞翠華唯望幸空餘金

粟烏呼風 松石齋集

松楸鬱鬱鎖崔巍寂寞春山帳殿

原黎邦琰昭陵詩 松楸鬱鬱鎖崔巍寂寞春山帳殿

開鸞輅恍從霄漢下龍宮深注夜濤迴虛疑銀海羣鳧

浴無復瑤池八駿來六載垂衣歌聖澤攀髯何限鼎湖

哀 嶺南文獻

原神宗顯皇帝陵曰定陵在康陵之南東向田大受謁

陵記曰踰椽子嶺北是為定陵 燕都遊覽志

原定陵葬神宗範天合道哲肅敦簡光文章武安仁止

孝顯皇帝孝端貞恪莊惠仁明婉天毓聖顯皇后王氏

孝靖溫懿敬讓貞慈皇后王氏 芹城小志

補銀錢山在昭陵之西去九龍池五里萬曆二十五年

三月敬妃李氏薨進封皇貴妃謚曰恭順榮莊端靖擇

三月敬妃李氏薨進封皇貴妃謚曰恭順榮莊端靖擇

三月敬妃李氏薨進封皇貴妃謚曰恭順榮莊端靖擇

地萬貴妃墳之右悼靈墳之左葵馬山陵考

原神宗壽宮皆種枯子松湧幢小品

補大峪山壽宮寶城左至龍山脚下澗溝計四十五尺右至西井界域計四十五尺總計八十一丈朱

文懿奏議

原定陵在大峪山距昭陵北一里自昭陵五空橋東二百步分北為定陵神路長三里路有石橋三空陵東向碑亭東有橋三道皆一空制如永陵其不同者門內神厨庫各三間兩廡各七間三重門旁各有牆牆有門不升降中門之級殿後有石闌一層而寶城從左右上榜曰定陵殿廡門為賊所焚樹亡昌平山水記

原葉向高謁定陵詩康衢何處不歌謠五十年來荷帝堯泰運正常熙洽會乾坤獨攬聖明朝風傳天語來三殿日麗宸章下九霄謾說深宮娛晚歲憂勤睿慮集曾消一望陵京氣鬱葱蕭蕭松柏起悲風長留日月光天壤更借烟雲護寢宮仿佛翠華馳道裏淒涼清蹕



夢魂中傷心最是攀驕日獨有微臣抱帝弓  
蒼霞草原朱國祚謁定陵有感述詩乞歸自放潞河船息偃

江湖二十年往事向臚成夢寐重來弓劍莫攀緣要知  
孝為慈聞盡誰道恩從貴戚偏猶憶南宮封事入聽言

終似轉圜然介石齋集

原光宗貞皇帝陵曰慶陵在裕陵西南俗傳為景泰窪  
是也先是景泰中建為壽宮英宗復辟景皇帝遂葬西  
山之麓陵基遂虛光宗上賓既速倉卒不能擇地乃用

此為陵芹城小志

原景皇帝臨御日自建壽陵尋毀之華泉集

原邊貢過壽陵故址詩玉體今何所遺墟夕靄凝寶

衣銷野燐碧瓦蔓溝藤成戾當年謚恭仁葬後稱千秋

同一毀不獨漢唐陵同上

原虞淳熙景泰窪詩合杏象山轉鴻溝界危岡貞松

心不移偃蓋覆神堂欲蛻龍為魚千古以慨煉土木骨

縱橫魂來關塞長君王莫鰲足太史莖苞桑宗廟救淪

喪朱火寒有光迎駕誼何篤覆轍戒難忘豈無延陵心  
重為亡國傷宮門一以奪羨門竟迷方碧瓦易黃屋蓬  
穎西山旁杜宇啼舊堦織烏集野棠坤維幸勿絕一窪  
得新藏靈表扶九宮何必敞陰房碧血障邊塵芊芊白  
草芳高睇歌大招涕泗洒衣裳 德園集

原慶陵 葵光宗崇天契道英睿恭純憲文景武淵仁懿  
孝貞皇帝孝元昭懿哲惠莊仁合天弼聖貞皇后郭氏  
孝和恭獻溫穆徽慈皇后王氏孝純淵靜慈肅皇后劉

氏 芹城小志

原諭禮部朕唯慶源有自禮必隆于所生孝思永言施  
必由于親始典闢教化義重彝倫章獻俱存肇稱宜亟  
我聖妣貞靜賢妃芬降華宗躬膺令德徽音夙稟于女  
史婉懿早著于青蒲在昔皇考毓我弟昆蓋華萼共輝  
于連枝而顧復各勤于離衷我皇兄纂承桃之重既篤  
于濬源逮眇躬荷世及之休亦深于倦慕欲酌岡極宜  
備追崇正儷體之鴻稱舉還祔之上典爾禮部其會官

詳議以聞于是尊謚聖母孝純淵靜慈肅毗天鍾聖皇  
后祔葬慶陵 明崇禎遺錄

原天啟元年禮部左侍郎署尚書事周道登疏言昭陵  
舊制稜恩殿正當龍砂之上形家為龍砂不可損傷有  
謂獻陵享殿亦在龍砂之外今營建規制原仿昭陵而  
斟酌地勢兼參獻陵 明熹宗實錄

原陵寢有後殿中殿前殿重門相隔有為門之樞紐者  
曰銅管扇治鑄甚艱舊例責內侍監造時因慶陵擇定  
九月初四日窀穸內侍以期大迫再四規避工部尚書  
劄臣萬燦董其事甫一月而功成 陵工記事

原慶陵在天壽山西峰之右距獻陵西北一里自裕陵  
神路小石橋下分東北為慶陵神路長二十餘步有橋  
一道一空制如獻陵平刻龍鳳殿柱飾以金蓮殿無後  
門殿後繚以垣門一道門北有橋三道皆一空其水自  
殿西下殿門西又有一小橋為行者所由殿北過橋有  
土岡自東而來至神路而止岡後周垣門三道如獻陵

寶城東西直上至中復為甬道而入榜曰慶陵殿門前及垣內樹五百株 昌平山水記

原朱國祚恭謁慶陵作 講幄頻趨鶴籞深重來就日慘棠陰十年始受東朝冊一月真傾下土心視榷盡收

中使節披沙罷採州人金最愁日歷書難既龍去烏號涕不禁 枚卜纜宣三殿麻深宮遽晏五雲車翠微色

映長陵樹金粟堆開景帝窪北去重關遮烏道西來一水抱龍沙白浮村下園官近未夏雕盤已薦瓜 介石

齋集

原熹宗哲皇帝陵曰德陵在永陵之東北即永陵之虎沙也陵獨西向與昭定二陵相對旁有寶禹錫手植槐

燕都遊覽志

原德陵 嘉宗達天闡道敦孝篤友章文襄武靖穆莊勤哲皇帝 芹城小志

原懿安皇后張氏性賢明魏謫誅倖朝士后聞楊左諸君子死色不豫者累月李自成入犯思陵將殉社稷傳

欽定四庫全書

卷一百三十六

旨後宮令自裁時周皇后及貴妃宮嬪之承寵者皆遵旨畢命獨長公主年尚幼未奉詔帝怒拔刃斫其臂公主仆地而宮監王永壽方從懿安皇后宮至白帝日懿安皇后葉縊死宮中矣帝乃走煤山自經當魏忠賢柄國時有養女任氏美而狡進之熹宗立為貴妃及賊入宮任偽曰我天啓皇帝后也賊不敢犯既而流轉民間或送于官永壽從旁竊窺之曰此任貴妃也貴妃晚永壽面發頰旋閉目如不聞見者永壽終亦不敢置訐也永壽事熹宗不入魏黨甲申寇亂後削髮為僧往來西山間談及故宮事輒語人云菊隱紀聞

原德陵在潭子峪距永陵東北一里自永陵碑亭前分北為德陵神路陵西南向碑亭前有橋三道皆一空制如景陵平刻龍鳳殿柱飾以金蓮殿無後門榜曰德陵殿樓門亭俱黃瓦昌平山水記

原德陵葬雙鎖山潭子峪在永陵東北思陵葬錦屏山

小紅門內肅松錄

原吳惟英長陵道中望德陵詩一望長陵路幾盤葱  
青秀色馬頭看烟嵐掩映依元隧松檜逶迤擁翠巒梧  
悵臨風淚不乾  
湖遙帶夕陽寒神孫咫尺龍升處惆  
墨響齋集

欽定皇朝舊聞考卷一百三十六

欽定日下舊聞考卷一百三十六舉正

兩廡原書廡訛作岸今改

定陵在大峪山條



欽定日下舊聞考卷一百三十六舉正

欽定四庫全書

欽定日下舊聞考卷一百三十七

京畿

昌平州四

增

世祖章皇帝祭明崇禎帝文 維順治十六年歲次己

亥十一月戊午朔十七日甲戌

皇帝致祭於明莊烈愍皇帝曰維帝英姿蒞政志切安  
民十有七年勵精靡懈詎意寇亂國亡身殉社稷向使

時際承平足稱令主祇以襲故政之餘逢陽九之運雖  
才具有為而命移莫挽朕恒思及憫惜良深今因巡幸  
畿輔道經昌平陵寢在焉顧瞻增感特以牲帛醴齊庶  
品之儀用申祭享尚其歆格

增

世祖章皇帝諭修明崇禎帝陵詔 朕惟膺圖永祚統  
紹百王而創業宏模情殷勝國歷觀史冊興亡之迹考  
其治亂得失之由僉以政荒遂干天譴邦國既墮士民

罔懷維有明莊烈愍皇帝實治理之究圖惜贊襄之莫  
逮以致寇氛犯闕宗廟為墟追念喪師非因失德朕每  
念及此未嘗不惻焉傷心也頃者兩幸昌平周視明代  
陵隧躬親盥奠俯仰徘徊以彼諸陵規制咸壯麗相因  
獨愍帝之陵荒涼庠隘典物未昭原彼當年孜孜求治  
宵旰不遑祇以有君無臣薄海鼎沸洎乎國步傾危身  
徇社稷揆諸正終之例豈同亡國之君朕於憑弔之餘  
撫往興悲不禁流涕因欲繕治陵寢丹堊几楹慰靈爽

於九京彰異數於奕禩迺核少府金錢悉皆小民正供  
倘增工徒之費殊乖賦式之經然終不忍聽其闕畧用  
是布告方州開導悃忱交相輸助聿新礪甃以肅松楸  
爾等溯厥源流夙沐前朝之澤凡茲臣庶寧無故主之  
思矧愍帝之終異於往葉而勸忠之感當有同心或列  
籍薦紳或齒登編戶恩沾累世德濺高曾勿以革故為  
嫌致歎事亡之誼各隨心力共佐經營在內所捐貯之  
工部各直省地方輸之有司彙解工部猶慮經費浩繁

紆以歲月計貨固缺工役迺興繚以周垣崇其寢殿奢  
靡不尚雖少遜厥諸陵鳩庀獨新庶無曠乎儀制所在  
奉行毋滋擾害克成斯舉式副朕心

補思陵既徇社稷福著在金陵上尊謚曰思宗紹天繹  
道剛明恪恭揆文奮武敦仁茂孝烈皇帝尋又改謚毅  
宗唐藩在閩又改謚威宗至

本朝初謚曰懷宗端皇帝後乃更謚曰莊烈愍皇帝  
白頭閒話

補思陵神牌高二尺五寸石青地雕龍金字書欽天守  
道敏毅敦儉宏文襄武體仁致孝莊烈愍皇帝其神主  
則書懷宗欽天守道敏毅敦儉宏文襄武體仁致孝莊  
烈端皇帝神主之左為周后主上書孝敬貞烈慈惠莊  
敏承天配聖端皇后右為田妃主上書恭淑端慈靜懷

皇貴妃主長俱不滿尺白橫冒之北游紀方  
補崇禎十五年七月癸未皇貴妃田氏薨輟朝三日十

七年正月壬子英皇貴妃田氏薨國權

補崇禎十五年七月皇貴妃田氏薨加謚冊文曰桂殿

承芳輝冠三星之首蘭宮隕秀禮崇六列之先惟昭德

於生前宜隆恩於身後爾皇貴妃田氏生有令質早晉

榮封麟趾鍾祥式振衍繩之慶難鳴效警時襄宵旰之

勤淑問方宣遺芳遽掩望惟如在悲空結於璫華辭輦

猶聞名應高於彤管欲彰懿範宜有褒旌爰稽素履謚

為恭淑端慧靜懷皇貴妃靈具有知尚敬寵渥山書

原鹿馬山有田貴妃墓南距西山口一里崇禎壬午妃

薨葬此遣工部左侍郎陳必謙等營建未畢而都城失

守賊以帝后梓宮至昌平州士民率錢募夫葬之田妃

墓內移田妃於右帝居中后居左以田妃之槨為帝槨

斬蓬蘽而封之門外右為司禮太監王承恩墓以從死

附焉昌平山水記

原順天府昌平州署史日事省祭官趙一桂為開礦捐  
奠崇禎先帝及周皇后共歸田妃寢陵事恭照明陵坐  
當昌平州天壽山平職於崇禎十七年正月署州捕遺際  
都城陷沒故主縊崩至三月二十五日順天府為官李  
紙票為開礦事仰昌平州官吏即動官銀僱夫速開田  
妃礦安奠崇禎先帝及周皇后梓宮四月初三日發引  
初四日下葬母違時刻未便彼時州庫如洗監葬官禮  
部主事許作梅因墓主限迫亦再三躊躇卑職與好義  
之士孫繁祉白紳劉汝朴王政行等十人共捐錢三百  
四十千僱夫啟閉其礦中隧道長十三丈五尺濶一丈  
深三丈五尺督修四晝夜至初四日寅時始見礦宮石  
門用拐釘鑰匙推開頭層石門入內享殿三間陳設祭  
器中有石香案兩邊列五色綉緞侍從宮人生前所用  
器物衣服俱在大紅箱內盛貯中懸萬年燈二盞殿之  
東間石寢牀一座鋪設絨緞上疊被褥龍枕等物又  
開二層石門入內通長大殿九間石牀長如前式高一



尺五寸濶一丈田妃棺榔即居其上初四日申時候故  
主靈到即停於祭棚內陳猪羊金銀紙劄祭品同衆舉  
哀祭奠下葬畢職親領夫役入礦宮內即將田妃移於  
石牀之右次將周后安於石牀之左後請崇禎先帝之  
棺居於正中田妃奠於無事之時棺榔俱備監奠官與  
畢職見故主有棺無榔遂將田妃之榔移而用之三棺  
之前各設香案祭罷畢畢職親手將萬年燈點起遂將  
二座石門關閉當時掩土地平尚未立塚至初六日率  
捐葬鄉耆等祭奠號泣逾時方止畢職差人傳附近西  
山口地方撥夫百名各備掘筐擔昇土築完畢職同  
生員孫繁祉亦捐貲五兩買磚修築周圍塚牆高五尺  
有奇幸

大清定鼎特遣工部復將崇禎先帝陵寢修建香殿三  
間羣牆一週使故主不致淪沒於荒郊君后猶享血食  
於後世雖三代閉國不逾是也計開劉汝朴錢六十千  
王汝朴錢五十千白紳錢三十千徐魁錢三十千李闕

錢五十千節料錢五十千趙永健錢二十千劉應元  
錢二十千楊道錢二十千王政行錢二十千 肅松錄

朱彝尊原按思陵葬日仁和龔光祿佳育流寓昌  
平地宮例書某帝之陵合以石板奉安梓宮之前  
時倉卒不及礮石以輓代之鈐之以鐵乃光祿所  
書也光祿常為予言礦始開入石門地甚濕其中  
衣被等物多黧黑被止一面是錦繡餘皆以布長  
明燈油僅二三寸缸底皆水其金銀器皆以鉛銅  
充之當時中宮破冒良可憾也

原甲申四月密雲副將張減率所部兵至昌平城下繫血書於矢射城中於是生員孫繁祉同鄉官王廷授舉人楊春茂監生白紳生員楊應震毛應元鄉民白希顏等倡義減於五月朔日攻城城中響應自卯至午與賊戰斬級百餘生擒賊一百二十名墜城死者無算奪騾馬六十匹隨於次日同赴長陵祭奠縛賊渠李道春周祥礫之以偽官劉愷澤等四人獻俘於崇禎皇帝陵墓之側亦礫之具文哭奠焉

肅松錄

原思陵碑亭南北四丈八尺東西如之宮門三距亭十一步階三唯中門有棟宇廣二丈四尺修三丈饗殿距門十三步階三無臺殿三楹廣七丈二尺修四丈二尺內香案一青琉璃五器全設一神牌高二尺五寸石青地雕龍邊以金泥之題曰明欽天守道敬敦儉宏文襄武體仁致孝莊烈愍皇帝中楹為暖閣長榻六扇中供木主三中則莊烈愍皇帝左則周后右則田妃外俱用積冒之周后神主題曰明孝敬貞烈慈惠莊敬承天

配聖端皇后田妃神主僅存恭懿二字餘被人磨去矣  
配殿三楹俱黑瓦殿前大杏樹一株靈寢門三距殿址  
四步穴牆為門中廣二丈四尺修一丈二尺旁則戶矣  
明樓距門十一步不起樓階四中開一門左右夾總二  
碑石廣一丈六尺修六尺雕龍方座高丈許題曰莊烈  
愍皇帝之陵石几距樓十步長五尺博二尺几前石甃  
五俱高八尺方式雕龍中一方鼎與諸陵異皆列在地  
寶城距几甚近無城周迴用牆高六尺中以石灰起塚  
高四尺繚以短牆左松八株右松七株 同上  
增大學士金之俊奉

敕建明思陵碑記 臣常觀古今治亂之蹟邦國興替  
之由使後人得而考焉以為法戒者其義莫詳於史大  
約國之興也創業開基之君莫不有應天順人之舉積  
功種德為累葉之所憑藉其亡也必末年季世之主或  
天資刻薄殘民以逞或闇若昏庸太阿旁落或甚而縱  
慾敗度滅裂綱常種種失德難以枚舉皆因自取滅亡

之道即國祚之修短不同而覆敗相尋異世一轍書曰  
與治同道罔不興與亂同事罔不亡非虛語也我  
皇上聰明睿智典學惟勤涵泳六經之暇尤妍精史書  
舉前代之是非往事之成敗靡不溯源窮委一一究其  
指歸而於明朝興亡本末更瞭如指掌深晰崇禎帝之  
所以失天下者厥咎有在非末世亡國之君可同年而  
語但當時既無實錄日後慮多傳疑每屢  
睿慮之惘惘於順治十四年二月內爰

諭工部立碑表章恭繹

天語一則曰明崇禎帝尚為孜孜求治之主祇以任用  
非人卒致寇亂身徇社稷再則曰若不亟為闡揚恐千  
載之下竟與夫德亡國者同類並觀於戲

宸鑒及此不能不低徊歎息頌我

皇上明並日月發幽光於已沈德邁前王昭公平於陽  
代真前此紀載中未有之盛事也茲工部遵  
諭隴石既成



以致民窮盜起然發難之初不過西郵一隅亦何難以國家全力制之而上下相蒙以賊為諱蔽聚之勢日熾月熾攻城掠邑有同破竹然後舉國張皇紛紛議選將議抽兵議加派議設總理總督重臣臨渴掘井毫無成算以言勦則挫衄屢聞以言撫則招徠無術至於驕兵悍將反借賊勢披猖為護身符來不能禦去不肯追遂蔓延流毒秦楚豫巴蜀暨大江以北所在騷然而朝端之上方爭洛蜀之黨日構元黃之戰厝火怡堂獨以賊遺君父憂問有一二耿介特立之士以公忠體國為心又往往不安於其位一時內外文武事權在握者無一實心辦職之人矣致令仁明統治之主不幸而丁中葉陵替之後起弊扶衰萬難措手無之子然孤立於上四顧盈庭茫無可倚豈非天之所廢莫能興之而人謀不成適任其咎者即考史傳所載凡末季亡國之君覆車之轍崇禎帝並無一蹈焉乃身徇社稷不引天亡之言亦甚烈矣於戲傷哉有君無臣貽禍邦國若斯哉此明代

之可為痛哭流涕者也

皇上深用惻隱而欲亟為之闢揚是即孔子當年作春秋

之心褒貶出乎至公瑕瑜毋令相掩俾天下後世讀

明史者咸知崇禎帝之失天下也非失德之故總由人

臣謀國不忠所致庶使後之為人臣者悚然知所戒而

後之為人君者亦知慎於用人也然則煌煌

睿諭明乎致治保邦勿玩小寇而弭寇必以安民為本

安民則又以知人為本此非直昭一時之信史實著萬

世之常經永為君臣之寶鏡云

原今昌平州故永安城也正統中調長獻景三陵衛於

中東西三山口及東西二營地方駐劄以護陵寢及土

木之難明年景泰元年於昌平縣之東八里築城徙衛

於內名曰永安三年并昌平縣徙焉今之東西二門及

城中大橋故南門遺蹟也其後續設陵衛益多乃於城

南復築一城連之今之南門是乃去舊城南面磚石而

合為一周十里二十四步州治在舊城內大街西先為



順天府昌平縣正德元年南京吏部尚書林瀚言陵寢所在歲三大祭欽遣百官陪祀及帝后忌辰歲暮正旦並遣駙馬詣陵縣小民貧供億煩苦請改為州以密雲順義懷柔隸之助其力役凡有科派差徭及養馬之類悉皆優免從之未幾復降為縣八年縣丞張懷復奏始定為州以三縣屬焉

昌平山水記

原昌平升為州議自林文安瀚始其戶部分司舊駐京歲一巡視而已正德中始開署昌平見文林記 國史唯疑

原嘉靖十六年三月上駐蹕沙河視文皇帝行宮遺趾禮部尚書嚴嵩因言沙河為車駕展視陵寢之路南北道里適均文皇肇建山陵即建行宮於茲正統時為水所壞今遺址尚存誠宜復修而不容緩者且居庸白羊近在西北若鼎建行宮於中環以城池設官戍守寧獨車駕駐蹕為便而封守慎固南護神京北衛陵寢東可蔽密雲之衝西可以扼居庸之險聯絡控制居然增

一北門重鎮矣上是其議命即日興工明世宗寶錄  
原嘉靖十七年十一月敕兵部左侍郎樊繼祖沙河駐  
蹕之所宜有城池其往相度乃同巡撫戴金陸鈿巡按  
胡守中王應兵備副使潘鎰橫直量度通一千一百五  
十五丈八尺其城垣四面量度停中惟南北二門乃鑿  
與出入之處各開三門中門視左右為大南北二樓比  
東西亦加偉其城外濬池約離城六丈五尺濶二丈深  
一丈以嘉靖十八年正月興工既竣得旨城門南名扶  
京北名展恩東名鎮遠  
西名威漢 建築疏稿

臣 等謹按昌平山水記北名展恩作展思

增鞏華城四門置戍守亦曰鞏華臺方輿紀要  
原隆慶六年薊遼總督侍郎劉應節順天巡撫都御史  
楊兆議於鞏華城外安濟橋至通州渡口止疏通一河  
長可一百四十五里以運諸陵官軍餉發軍卒三千人

治之 水部備考

原萬歷元年二月命昌平兵備僉事張廷弼疏濬鞏華城外河聽民徙鞏華城居住以輸官地價建修城堽廟

明神宗實錄

原威元佐鞏華城卽事詩 鞏華晴散紫宸朝曉度春風威漢橋花映前茅仙蹕引日臨左肅玉驄驕山迴御氣雲中轉爐裊天香仗外飄六尚才人都後乘綠霞深處離笙韶 青黎館集

原王維楨鞏華城陟眺作 沙城粉堞喜初凭狀接神宗亦股肱地湧雲霞圍御宿峯懸松柏認皇陵青青策道春苔合宛宛靈山紫氣凝盡說經營勞睿思羣功莫自論微能 槐野集

原天壽山陵前有鳳凰山後有黃花鎮左有蟒山右有虎峪東兩山口兩水會流於朝宗河文皇帝葬所曰康家莊是為長陵次皇山距長陵一里有半是為獻陵次黑山距獻陵三里是為景陵次石門山距景陵六里是

為裕陵次寶山距裕陵二里是為茂陵次史家山距茂陵二里是為泰陵次金陵山距泰陵三里是為康陵次陽翠嶺距康陵十六里是為永陵次大峪山距永陵九里是為昭陵次亦名大峪山距昭陵一里是為定陵次皇山二嶺距定陵五里是為慶陵

燕都游覽志

原自州西門而北六里至陵下有白石坊一座五架又北有石橋三空又二里至大紅門門三道東西二角門外東西各有碑刻曰官員人等至此下馬入門一里有碑亭重簷四出陛下有穹碑高三丈餘龍頭龜趺仁宗皇帝御製文也亭外四隅有石柱四俱刻交龍環之其東有行宮又前可二里為樞星門門三道俗名龍鳳門門之前有石人十二四勳臣四丈臣四武臣石獸二十四四馬四麒麟四象四橐駝四獬豸四獅子各立二蹲近者立遠者蹲石柱二刻雲氣並夾侍神路之旁迤邐而南以接乎碑亭碑文後書洪熙元年四月十七日孝子嗣皇帝某謹述蓋文成而碑未立宣德十年四

月辛酉修長陵獻陵始置石人石馬等於御道東西十月己酉建長陵神功聖德碑是時仁孝皇后之葬二十有三年太宗文皇帝之葬亦十有一年矣然而始立者重民力也櫺星門北一里半為山坡坡西少南有舊行宮土垣一周坡北一里有石橋五空又北二百步有大石橋七空大石橋東北一里許有新行宮宮有感恩殿宮東南有工部廡及內監公署大石橋正北二里有石橋五空又二里至長陵殿門神道自嘉靖十五年世宗謁陵始命以石甃自大紅門以內蒼松翠柏無慮數十萬株今盡矣 昌平山水記

原入紅門有殿曰時步車駕更衣之所也神路中石獅子犀象駱駝麟馬各四石人十二擎天柱四望柱二碑亭一而九陵分道焉長陵當中正南嚮其左為永陵景陵右為茂陵裕陵獻陵昭陵惟康泰二陵稍遠可三十里 小草齋集

原出昌平州東門數里入伽藍口又三里為永陵園園

後曰蔣山山腹有神仙洞洞不甚深錫字於旁曰蜿蜒龍脊山吞月磊砢雲根洞有天上懸一石如覆鐘狀山上有三清殿復行二里度一溪溪西有七鳳橋長陵神道東流之水經焉旁有井故地名玉井灣北有工部殿與龍王廟並廟碑三弘治嘉靖萬厯中太監王定張保山潘朝用所立殿碑二其一思陵命太監魏國徵掌昌宣軍務勅諭其一翰林韓四維所為記也定與保山朝用皆為工部殿員命掌鎮兵則自國徵始繼之者王希忠申之秀也希忠後死亂軍中之秀見賊陷京城削髮去為僧有司香太監貫宗云然又行里許為德陵神宮監又半里許名東井相傳成祖八妃莫此少北渡一小石橋為德陵陵西向面大溪過大石橋而西至永陵再西而北至景陵由長陵西下坡度石橋為獻陵又渡小石橋為慶陵再渡石橋二為裕陵松左右成列再西見碑樓出松林中度一大石橋抵碑樓下則茂陵也松列樓外者存二十二株列樓以內至祿恩門者三十六株

自複恩門入難以數計矣由茂陵神馬殿神宮監而西  
三四里度一大石橋至泰陵度溪而南至康陵折而北  
為錐石口自溪而東有斷橋循麓右轉復渡溪水上一  
岡至定陵少南為西井再南為萬妃墳又南則昭陵東

至思陵

肅松錄

增景泰元年正月命於天壽山之南築城周圍十二里

以居長陵獻陵景陵三衛官軍

明景皇帝實錄

增正德間定長陵以下諸陵各設神宮監並衛及祠祭

署明史禮志

原長陵有東西二井東井在德陵東西饅頭山之南西  
向西井在定陵西北東向並重門門三道殿三間兩廡  
各三間綠瓦周垣會典言長陵十六妃從葬位號不具  
其曰井者蓋不隧道而直下也自英宗止宮人從葬於  
是妃墓始名其在陵山內者昭陵之左九龍池南為蘇  
山有萬貴妃之墓東向憲宗妃也又南為銀錢山有鄭  
貴妃暨二李劉周四妃之墓南向神宗妃也又南為嶼

兒峪有四妃二太子墓中間妃王妃左馬妃次左哀冲太子右楊妃次右莊敬太子世宗妃太子也又南為悼陵東南向孝潔皇后陳氏初謚悼靈葬此後世廟永陵而其封兆尚存旁有沈文虛三妃之墓至今猶曰悼陵云東山口迤東有劉惠妃墓英宗妃也又東八里綿山有靳獻王滕懷王墓仁宗子也凡陵及妃嬪諸王之墓及上所御殿其外垣皆塗以紅土 昌平山水記原長陵獻陵裕陵茂陵慶陵俱癸山丁向景陵永陵俱艮山坤向泰陵壬山丙向康陵辛山乙向昭陵乾山巽向定陵戌山辰向德陵甲山庚向思陵子山午向 肅

松錄

原明初有五鴿十二從南方來飛集燕山識者謂北平當王蓋兆燕山十二陵也 荊隱紀闕原景泰元年正月命於天壽山之南築城周圍十二里以居長陵獻陵景陵三衛官軍二年十月徙昌平縣治并儒學倉庫於新築土城之內 明景帝實錄



原景泰七年七月太常寺言天壽山祖宗三陵所在今又益以壽陵猶未列諸祀典請於每歲春祈秋報附祭天壽山神主於北嶽之壇牲牢不加而事體實宜從之

同上

原嘉靖庚戌寇長驅至天壽山總兵趙國忠列陣紅門前寇不敢入而去 明世廟識餘志

補天壽諸陵相傳夜分時有神燈出宮城引駕以行神宮監多望見之虞吏部淳熙詩云夜深遙接白雲平原上金燈夜夜明山鬼蘿衣挽秋駕青冥有路不教行蓋紀其事也 黃圃雜志

原十二陵各有宰牲亭祠祭署朝房神馬房果園神宮監又各有衛領左右中前後五千戶所主率領軍士防護陵寢其公署皆在州城 昌平山水記

原方新神宮監作 神宮倚陵麓虛曠自天開翠嶺鈎簾入晴雲遠檻來三闕凌朔漠萬井俯燕臺行望靈旗動依稀玉輦迴 定溪集

補長陵祠祭署建於神宮監之南中為公座左右小房  
前為署門永樂七年建獻陵祠祭署建於宰牲亭左中  
為公座左右楹為官舍前為門洪熙元年建景陵祠祭  
署建於宰牲亭右中為公座後為官舍前為門宣德十  
年建裕陵祠祭署建於宰牲亭左中為公座左右楹為  
官舍前為門天順八年建茂陵祠祭署建於宰牲亭左  
制如裕陵成化二十三年建泰陵祠祭署建於宰牲亭  
左制如裕陵宏治十八年建康陵祠祭署建於宰牲亭  
左中為公座後為官舍前為門正德十六年建永陵祠  
祭署建於宰牲亭左制如康陵嘉靖十五年建定陵祠  
祭署建於宰牲亭左制如昭陵萬歷十一年建慶陵祠  
祭署建於本陵橋南向東制如定陵天啟元年建德陵  
祠祭署建於宰牲亭左制如永陵崇禎元年建太常  
記

補嘉靖十七年二月上躬行春祭禮乃改陵殿曰稷恩  
殿門曰稷恩門 明山陵考

補樞星門北五空橋南山坡號蘆殿坡當時祭陵以蘆席作殿以息羣工執事者北遊紀方

原長陵果園在神仙洞北獻陵園在州南門外少西景陵園在山西裕陵園在景陵園西茂陵園在大松園西泰陵康陵園俱在大紅門永陵園在神仙洞前昭陵園在山西口定陵園在州西門外御路西慶陵園在白浮村德陵園在州西門迤南肅松錄

原長陵獻陵榛殿俱在渤海所景陵殿在葦村裕陵泰陵殿俱在懷柔縣茂陵永陵昭陵定陵殿俱在密雲縣康陵殿在紅川柳溝慶陵殿在平谷縣德陵殿在薊州盤山同上

原康陵神宮監太監劉景嘉靖元年六月奏請天壽山空地并九龍池菜園種蔬果以備四時供獻命戶部給之明世宗實錄

原凡祭清明中元冬至以太牢國初遣太子親王具後遣大臣行禮昌平山水記

原舊制以中元節祀陵往往遇雨河流汎漲每苦漂溺迨嘉靖十五年世宗始改定清明霜降二大祭著為令

然後人無阻溺之憂燕都游覽志

原唐制二月八日及生日忌日公卿朝拜諸陵又有忌日行香於京城宮觀至宋猶有宮觀行香之禮漢唐以來諸帝升遐宮人無子者悉遣詣山陵朝夕具盥櫛治衾枕事死如生本朝國忌上陵及內殿有祭無行香宮觀之禮諸陵唯中官洒掃不遣宮女皆前代所不及也

穀城山房筆塵

補謁陵各官類晚入昌平憩宿五更祭陵公署弗能盡容各以類假宿如兵部官則宿於衛所戶部宿於倉司給事中宿於劉黃祠蠶校則翰林寓宿之地與察院相鄰察院諸御史宿處也楊學士守址暮抵昌平遂誤入察院因賦詩曰雙眼風沙百里程敝衣瘦馬到昌平欲尋潁水先生館誤入分司御史廳導引輿臺顏盡赤將迎豸繡眼偏青只愁太史明朝奏昨夜文星犯法星

無用閒談

原魏學禮大祀山陵賦 萬厯庚辰歲皇帝將有事於山陵宗伯以故事請曰展陵視寢永昭孝思每帝嗣統則斯禮稱焉主上光紹鴻極八載於茲矣爰修禴典仰答神靈帝其念哉帝曰俞是唯朕衷厥俟典禮卜日考儀則秩宗其視厥載往欽哉乃以季春十有二日聖駕夙蹕兩宮聖母暨中宮皇后及諸嬪妃咸與以從再越日肇稱祀典長永昭獻景裕茂泰康九陵及章皇后景皇帝陵厥明上奉兩慈宮以旋后妃從詰朝而還宮禮也臣伏觀曠儀思揚洪美唯昔何承天有上陵篇未足以極其致乃造斯賦以仰頌萬一云爾其辭曰皇明開天垂禩萬葉誕此神聖茂隆昌業紹九帝以駿宏邁三代而光牒逮垂衣之八載將展視乎山陵思神靈之在天超埃壘而崇登峻皇龍之巍峙寶玉體之是憑悵儀型之莫覲抒遐思而靡勝於是命秩宗稽懿典詢太卜戒雲輦建行宮以待蒞兮運嘉木以經營覆善土以清

路兮望馳道之允平肅九門之環衛兮屬元侯之上御  
拱淵穆之宸居兮夾萬雉之朱城乃吉日之既屆兮鑿  
輿夙以啟行闢長安之左扉兮歷輔權與璣衡炳瑤暉  
於泰階兮睹斗緯之清明蔚戈鋌之先導兮振霞采之  
幢淫錯五色以成章兮卷蜚颺而縱橫玉輅耀以融麗  
兮儼曲蓋之蔥蒨識鹵簿之威儀兮陽羲升而霧散兩  
宮皇母暨厥后妃東華東安宛見翟輦彼羣嫗之捧乘  
兮粲綵裾之菲菲紛翼侍之服御兮載晦藹而交輝從  
官前行居守趨送駕次鞏華褭躑翠鳳既侍膳於蔥闈  
朝昌平之羣衆詔奉車使馭蹕兮七六師之如雲虎旅  
集其警嚴兮刁斗遠其相聞厥明至於天壽兮翠華迴  
於感思唯詰且以行祭兮詣長陵以停綬御青袍以對  
越兮燎芬芳以焮吹列鼎俎與籩豆兮獻桂酒以陳辭  
思雄武之御世兮極神謨之飛宕控九宇以張弛兮齊  
宏功於肇創都燕甸以撫夏兮掃沙漠之翠帳振長算  
以詔後兮電神明以開亮唯聖智之建始兮繫繁祉之

錫貺祭竟徹牲百官既出更設酒脯內祀靜謐兩宮中  
宮拜起齋栗聿愛敬之咸盡昭內外之若一雅永昭之  
二陵實肅莊之元殿爰自仁而率親亦如儀而躬薦獻  
景祕茂以及泰康章后景帝奕葉重光八陵迢遞親禋  
不遑乃遣官以代祀僉緝文之是詳觀聖制之有奕兮  
尋宏剋之異童肆經緯乎天地兮亦符協乎陰陽式邁  
發以還闕兮朝百辟於明堂衍宗枋於萬載兮享血食  
以孔長續祖德以恒思兮流祚慶於無疆荷天命之彌

篤兮永丕式於四方

長林片葉

原石珽天壽山詩 銀峯翠壁峙諸孫嶽勢雄開祖宅

尊關塞正當山右臂風雷近接海西門龍過古澗多成  
雨虎撼長松半出根隱隱五陵佳氣在欲攀弓劍泣深

思 熊峯集

原屠應峻朝陵詩 本朝宮寢居庸北百二山河枕上

都隧道陰陰連大漠金輿寂寂闕蓬壺天留碣石為華  
表水遠桑乾作鼎湖欲馮神功錫嶧頌窮崖絕壁倚天

孤 蘭暉堂集

原嚴嵩聖駕朝陵歌 沙河士馬若雲屯萬姓環門識

至尊青天笑起迎鑾殿此地今為駐蹕村 鈴山堂集

原梁有譽謁陵眺望詩 清秋霜露肅祠官帝里山川

此鬱盤上谷風塵通大漠 屈庸紫翠落層巒七陵松掩

金鋪暝萬壑鐘流玉殿寒香霧濛濛候靈蹕星辰還仰

太微看 蘭汀存藁

原環天壽山凡十口自大紅門東三里曰中山口又東

北六里曰東山口距州東門八里有樓南北二座三層

又北而西十里曰老君堂口距景陵北二里又西十五

里曰賢莊口距泰陵北五里又西三里曰灰嶺口又西

南十二里曰錐石口距康陵東北二里三口並有垣有

水門又南十二里曰鴈子口距康陵西北三里又西南

三里曰德勝口距九龍池四里有垣有水門又東南十

里曰西山口距悼陵南二里有小紅門距州西門八里

又東二里曰榨子口距大紅門三里凡口皆有垣陵後



通黃花城 昌平山水記

補明諸陵犯前代陵名者匪一太祖曰孝陵與後周武帝同也成祖曰長陵與漢高祖魏孝文帝同也仁宗曰獻陵與唐高祖金穆宗同也宣宗曰景陵與魏宣武帝唐憲宗金睿宗同也英宗曰裕陵與金顯宗同也憲宗曰茂陵與漢武帝同也孝宗曰泰陵與唐元宗金肅宗同也武宗曰康陵與漢平帝東漢殤帝後晉睿祖宋順祖南漢劉龔同也世宗曰永陵與南唐徐知誥蜀王建金世祖同也穆宗曰昭陵與後周明帝唐太宗南漢劉晟同也神宗曰定陵與孫吳景帝魏孝明帝後周宣帝唐中宗宋翼祖金景祖同也光宗曰慶陵與唐元昭后後唐德祖後周世宗遼聖宗興宗道宗同也熹宗曰德陵與南漢劉隱金宣宗同也莊烈愍皇帝曰思陵與金熙宗同也又興獻帝曰顯陵與前涼張重華後晉高祖遼世宗義宗同也昔宋徽宗梓宮從北還宰臣上陵名曰永固王性之以犯後魏明帝後周文宣二后陵名高

宗特下祕書省參考益陵名相犯前代固多不避然使  
不同舊稱亦存乎考禮之臣多學博識爾 表杆樓叢

說

原陵故為康家莊長陵之東百餘步有土一邱康老萸  
焉康老者明初以前人也 文皇帝卜斯地作山陵曰安  
死者人之同情也命勿去 昌平山水記

原松園在昌平州東門外延袤里許皆松檜無一雜樹  
以備陵樹缺移栽也二百年來禁人採遂成大林

燕都游覽志

原無名氏詩

鬱鬱松千樹青青閱歲時人問不敢採

留作萬年枝

昌平舊志

補蔣山後龍母

莊東一里有竇禹鈞植槐空腹中可設

業羅坐八人

翠微志

補竇氏植槐在景陵瓜園中順治四年伐去燕都游覽

志謂在德陵旁者

非也 北游紀方

欽定四庫全書

欽定四庫全書

十七

增

世祖章皇帝御製明內監王承恩碑文 朕聞烈士徇  
名齋志而歿貞臣衛主捐軀以從自有明失馭寇陷都  
城懷宗皇帝敦國君死社稷之義崩於石室時有司禮  
監秉筆太監王承恩者攀龍髯而矢志甘雉經以從君  
陪縊於傍死而猶跽嗚呼若承恩可謂事君有禮不忘  
其忠者矣夫人臣事主無二厥心為其易者與為其難  
者途徑若分理道則一人臣之懷二心者倖圖苟免甘

心事離乃在平日侈讀詩書高擁爵位之人無論生無  
以為人死無以為鬼對若人其亦何地置足朕殲除巨  
慙用彰民彝既禮葬懷宗皇帝於思陵因賜承恩瑩域  
一區俾葬兆外以從厥志仍賜之香火田地豎之穹石  
使後世知艱危之際內員中乃有忠烈而死如承恩者

增

世祖章皇帝諭祭王承恩文 朕嘗考諸史冊見夫忠  
臣烈士身徇國難名炳千載未嘗不掩卷三嘆也雖忠

義之性命之於天人人可以自盡然變亂之際利害動於中禍患惕於外依違瞻顧多不能引決求夫風雨不渝其常霜雪不易其操者蓋難之矣若夫掖庭之中貂珥之列或恪恭著美或勤慎流徽若漢之呂強唐之張承業亦可謂賢矣至於國家多難秉志不移忠誠貫於金石氣節昭於日星尤足以激末流而挽頽俗也明司禮監太監王承恩者有可紀焉當明季寇訶海內鼎沸莊烈愍皇帝勵精圖治宵旰焦勞原非失德之主良由

有君無臣孤立於上將帥擁兵而不戰文吏尊沓而營私以致羣寇縱橫不能奏績逮逆渠犯闕國勢莫支帝遂捐生以徇社稷而一時戴緹垂纓之士在平時則背公樹黨遇難則苟且偷生言之可為太息唯有范景文等十九人無愧臣節業賜謚致祭以旌其忠然多士盈廷能赴義捐軀者蓋不多見獨承恩目擊艱危從容就義從死愍帝之傍具岳岳之風節即古之忠臣烈士何加焉既乃託體山阿瘞骸林麓永近園陵常依隧道可

謂式慰幽靈用綏貞魂者矣朕自踐祚以來斟酌前代之典章洎夫有明恒深嘉歎其列代山陵近在畿輔向來永禁樵採守護維嚴於順治十六年因東狩駐蹕昌平觀勝國之松楸感廢邱之霜露諸陵周覽心惻久之爰至思陵念愍皇帝精勤構亂亡國非辜躬奠椒漿尤增憫泣顧見陵側有土一坏即承恩墓也特命從臣酌酒焉過者當省斂之時展鈴宵駕載履明諸陵拜陳醑醴復徘徊於思陵之所撫荒墟而灑泣瀝旨酒而痛心





戒且以告天下萬世之為人臣者

原御馬監太監王承恩順天人大同告陷上命承恩提督京營內外軍務居督府之上三月十八日夜承恩執鎗隨駕奪門不得出還至萬歲山下從上對縊於中帽局而死王之心者舊司禮監掌印太監亦順天人甲申二月廷議助餉衆言之心富甚家藏銀三十萬時之心閒住已久上即日召諭之之心以家計消乏為辭次日進銀一萬兩泊李自成入繫之搜掠銀十五餘萬以未足三十萬之數拷掠至死他書有言之心自殉者故詳其實附志於此又有言徇難為王之俊者蓋謬之俊於甲申冬同曹化淳共證偽太子事丁亥四月乘馬於道人猶見之傳說之謠如

此 甲申傳信錄

朱彞尊原按思陵從死內臣有云王之臣者陳方



世祖章皇帝有諭祭王承恩墓文故采錢秀才士軹所  
紀而附著所聞焉



欽定四庫全書  
欽定日下舊聞考卷一百三十七